

光緒順天府志

地理志六

光緒順天府志二十四

祠祀下

候官陳壽彝江陰穆荃孫覆輯

密雲縣

社稷壇在縣西三里明洪武時建後圯於水

國朝雍正間改建舊城東北密雲志

風雲雷雨壇在縣南一里明洪武時建後圯於水

國朝雍正間改建舊城東南志

先農壇在舊城東門內志

厲壇在城東門外志

武廟在縣北本名旗纛廟元人建明洪武時開平王常遇春重建於縣東北嘉靖四十四年奉勅建武學奉武成王於內萬曆四十六年總督薛三才注可受知縣尹同皋守備施洪謨武學科正孫

桂重修丁志

文昌祠一在舊城東南 一在舊城鼓樓並圮 一在新城東南

白檀書院 一在新城西北順治十八年貢生杜琳建古北口有

文昌閣丁志

魁星樓原附建學宮後圮道光時邑武庠甯鴻烈倡眾釀貲移建

舊城東南隅光緒元年鴻烈之孫員外郎彤恩廩生邵長春侯勳

倡眾重修丁志

名宦祠在學宮內明嘉靖四十四年大司馬劉 兵備道張守

中建丁志

鄉賢祠在學宮內亦明嘉靖時建雍正二年知縣薛天培教諭侯

世憲訓導陳芝秀重修丁志

節孝祠在學宮西光緒二年廩生傅縝齊文在侯勳同修丁志

關王廟一在縣署南唐貞觀時建明洪武十三年重修嘉靖時總

督劉濤重修萬厯三十七年重修有萬厯十三年劉元震錢象坤

碑未見一在石塘嶺 一在石匣城北 一在石匣城西門內

一在古北口明蘭尉建薛志祝增闕王廟古北口在畿輔東北

為要言國朝設衛置將以為重鎮言天下之險者咸歸焉其北門

創舊建關王廟禦災捍患丕著靈應凡我師之出入必致禱以祈

祥恆凱旋而奏捷歲時伏臘奉祀者有年矣丁巳歲欽差分守古

北參戎楊公謁其廟見其狹隘不足以為神依乃遷於北門之堦

鳩工飭材百堵俱興之際公遠轉密雲副帥往來防禦時督其事

而規模宏擴矣尋擢遼東鎮守石橋壘公踵其事而制度森嚴矣

西泉魯公收其功而廟貌聿新矣邑人魏氏名森者又募眾以協

贊之中建大殿設神像其兩廡所圖即神之履歷也外為大門侍

衛居焉赫赫宏敞輪奐輝煌觀者奪目視者發心楊公維始於前
魯公落成於後二公之功匹休於神賦誠為生靈福也嗚乎神之
理亦大矣感應之機亦昭矣感而弗應則為神蓋應而弗感則為
人取固理也亦機也神之義勇充塞宇宙貫徹古今其所以致人
之威者亦既素矣揚公今在遼鎮禦殘疲極衝而大捷迭奏處境
警交構而壯志愈伸殫力竭忠不避時艱以翊贊皇明之運德望
猶泰山北斗心事如青天白日亦神之義氣點佈而指孚者也其
擇地以妥神甯非勢之所必故乎然則神之應公之威以福惠元

元陰庇王國者抑豈有既也是故應公者固神之靈而成神者則公之誠也神之靈垂萬世而不朽則公之誠亦歷萬世而不磨斯廟之前豈非祀典之所當錄哉岸生李子英請子祀其事而因繫之辭辭曰於赫惟神生漢之末整厥綱常正扶亂撥正氣洋溢成靈活潑羽我皇明寰宇鏡清旌功褒勛宇宙廟盈古北新殿盡棟雕楹白檀蓋嶂潮河拖紫維神棲止地益以榮王師於邁神佐其征邊陲永靖庇國衛民瞻廟翼翼像特特振作忠良

國朝康熙二十八年守禦章京拉薩利重修

薛志

八蜡廟在縣新城東門外舊為功德祠明萬厯七年都護戚繼光建祀總督楊兆等有燕山勒功碑後圯改建今廟 一在石匣城

外丁志

城隍廟在舊城西門內 一在石匣城 一在古北口

丁志

龍王廟在南關東明嘉靖三十二年建

丁志

藥王廟一在新城南門外 一在石匣城 一在石匣南門外

丁志

火神廟一在城南門內光緒七年邑紳甯鴻鸞倡眾重修 一在

石匣城 一在石匣南門外較場

丁志

馬神廟在新城西北明景泰三年縣丞梁永建嘉靖四十三年重

修邑人孫汝翼有記未見 一在石匣南門外較場

丁志

釣魚臺廟元至正時建

丁志

晏公廟在城南關明洪武二十年建

丁志

東嶽廟在縣東門外明天順二年鎮守都指揮陳亮移建舊廟在

縣西北明洪武五年建光緒六年邑紳甯鴻翥倡眾重修 一在

古北口東關外

丁志

元君廟在縣東北明嘉靖二十二年建俗名娘娘廟有連枝松

一在城西北谷名泰山聖母行宮明萬曆四年建左通政倪光薦

記 一在石匣西門 一在古北口城南五里明指揮李建立建

丁志

五龍祠在縣治南明萬曆四年知縣張世則重修每禱雨極著靈

應 一在石盆谷乾隆四十三年奉

敕修 一在石匣城丁志

忠義祠一在縣東門外一里舊祀前代死難諸臣康熙四十年提

督太監顧問行重修 一在古北口明嘉靖十五年御史金

請建祀參軍魏祥附祀死綏諸將士侍郎趙永撰記丁志 忠義

豐鄉金君奉命巡視東北諸關仰體皇上圖治盛心凡關塞險阻

將領忠邪軍士疾苦咸究於心賞罰興革以次振舉人之畏威懷

恩者悉以忠貞相期用是北敵效順邊境晏然往歲參將魏祥死

節於石塘豐鄉至其地曰魏侯死矣今列名祠猶夫生也邊之效

死者豈獨一魏侯哉使恩施與於是則報功之典庶矣乃具疏上

請擬以各路創建一廟將領肖像於中軍士列名兩廡歲秋參將

往祀之上嘉其請豐鄉相地於古北口大石山之陽分命將校鳩

工積材不勞帑費陋貌悉新舉死於王事者勛名碑陰用垂不朽

余謂忠良為國禦災捍患者祀於國國家崇尙勲德遠遵成憲在

宗廟有配享之制在郡國有鄉祀之稱禮文攸備無庸議矣惟其

思之所及不能無異施焉蓋禮之為道體嚴而用廣不能強而使

之一故輕重緩急率寓於尊卑顯晦之間豐鄉闡發幽隱不以微

賤棄之是備乎禮之用而人無遺憾矣雖然此特酬功之既往耳
至於誠意感孚足以作士氣而重國威實於此乎垂端焉夫死者
生準也死而弗錄生何望焉今崇以時享延以世祿人之觀廟貌
而沾遺澤者必以忠義自期求無負於國恩無愆於先列蓋一舉
而兩盡矣子聞陰之大事在祀與戎今即戎以崇祀是以誠結其
心而人之效死者出於法制之外豈即體國治之意大矣因效
蕞歎作迎送神辭亦豐邨相屬之意也祠曰秋氣肅兮悲風寒草
黃兮蔽空修祀兮薊之東尊國恩兮酬有功遺胃弁兮紛拜懷忠
烈兮增慨神之陟降兮有形焄蒿悽愴兮如生笙簫合奏兮兩極
誠感格兮神相通食國報兮無數儼冠佩兮從容望停驂兮少憩
鑿子心之仲仲神之來格兮洋洋神之去兮懷故鄉統戈子兮振
鳴璫擊雷電兮飛冰霜生捍患兮殉國垂忠烈兮邊疆感廟貌兮
構止慨遺烈兮增光聊隨化以歸盡不與物兮低昂擁山河兮詞
護翊靈祚兮延長願隨感而應其所求兮關金湯之屏翰魂兮杳
其無迹兮但
雲霧之蒼蒼

英濟王廟在縣西北越人孟大賢捨宅建明萬厯時知縣王之都

重修翰林檢討孫如游記 未見 丁志

張公廟在縣西二里浙紹鄉祠也戶部來復記 未錄 丁志

真武廟一在舊城 一在新城俱背倚城北即城上建北極臺其

在舊城者圮於水康熙五十四年修城重建在新城者臺久圮

志丁

邢公祠堂在舊城東門內記總督邢玠

志丁

尹公祠在學宮西記知縣尹同舉

志丁

三皇廟在縣署北

志丁

玉皇廟在新城都司署內

志丁

鄒大夫祠在城夾道路北祀燕鄒衍每歲春秋二祭縣人以知縣

張世則田勸王明楊士鴻附祀

志丁

白河神祠在城西乾隆三十七年

敕建

志丁

御製白河神祠瞻禮詩

有序

白河源出宣化府獨石口外之瑪

尼圖達巴罕東流入密雲縣北之石塘嶺經縣城西折而南與潮

河合東南流入於潞其水發源既遠且自經白馬關外崖谷夾束

又挾諸山之水而來故其至密雲流益壯性益駛遇夏秋盛漲往
往湍急不可禦郡城西之渡爲京師至古北口所必經每歲秋巡
繼舟爲浮僑以濟辛卯七月霖雨積日河驟漲齧坡岸舟當波衝
不得繫橋柱亦鼓因稽蹕程迺遣官禱于河越日漲陡落丈餘遂
復成梁利涉僉以爲神之效靈至奇且速也矧茲河澗所經引漑
通穢民實利賴稽之禮宜祀嚮願闕而未舉蒙其佑弗敢其報可
乎爰敕疆吏度地河壩構祠像設以壬辰五月葺工茲幸避暑山
莊經祠下躬致瓣香以落之因成入韻并疏序梗概付所司鐫石
以代碑記自今其毋替祀事庶幾延庥于有永乎 遙源出宣化
靈澤護庠奚資運功無盡安瀾事有稽去秋經異漲歸壑賴明禋
是用崇祠建于焉慶落後橋梁利普濟階級肅初躋棟宇依神煥
香花達悃攜永恬佑保赤錫福被羣黎牲醴碑應峙五言當記題

楊合公祠在古北口祀宋楊業遼時已有之明洪武八年徐達重

建成化十七年鎮守監丞許常都指揮王榮重修勅賜名威靈廟

薛志周洪範楊令公廟碑威靈廟在密雲縣古北口城北一里

祀宋贈太尉大同軍節度使楊公者也蘇轍詩云行祠寂寞奇闕

門者是已洪武八年太傅徐公達重建至今百年日就頽圯成化

辛丑鎮守左監丞許公常都指揮王公榮圖與重修葺請於朝勅

賜今額稱歲從宜設祭既而遣人來求筆其事於石按宋史本傳

公諱業并州太原人幼習儒任俠喜騎射所向克捷國人號為無

敵太宗征太原公勸其主繼元降帝遣中使召見大喜寵以連帥

授之兵柄會契丹入雁門公領師數千騎自西京出至雁門北口

南向背擊之契丹大敗以功遷雲州觀察使自是契丹望見公旌

旗即引去雍熙三年大兵北征以忠武軍節度使潘美為雲路

行營都部署命公副之連拔雲應寰朔四州詔遷其民於內地時

契丹復陷寰州公謂美曰朝廷合取諸州之民但領兵出大石路

先遣人密告雲朔守將俟大軍離代州日領雲州之眾先出我師

於谷口以請士援於中路則三州之眾保萬全矣護軍王侁阻其

議欲趨雁門北山中鼓行而往公曰不可此必敗之勢侁曰君侯

素稱無敵今逗撓不戰得非有他志乎公曰業非避死蓋有不利

徒令殺傷士卒而功不立今君責業以不死當為諸公先將行泣

謂美曰此行必不利因指陳家谷口曰諸君於此張步兵強弩為

左右翼以援俟業薄喉至此即以步兵夾擊救之不然無還類矣

美與伏陣於谷口後違約失援公與遺兵力戰自午至暮果至谷口望見無人即揮盾大櫛再率帳下士力戰身被數十創猶手刃數百人及身受重傷不能進遂為契丹所擒其子延玉亦歿公太息曰上遇我厚期討賊以報而反為奸臣所迫以敗績乃不食三日死帝聞之深為痛悼下詔贈官賜其家布帛千匹粟千石錄其子延祚延明為崇儀副使延訓為供奉官延環延官延彬為殿直潘美創職三等王伋除名諱金州嗚呼公忠烈武勇有智謀練習攻戰與士卒同甘苦故士卒樂為之用谷口之敗先已灼見其機而為羣小所壞良可悲矣然而忠義之氣凜然猶常存者此今日廟貌之所出新也余故詳披史氏之說以告欲知公遺蹟者嘉靖四十三年古北口副將郭琥兵備僉事張守中同修

國朝霸昌道耿繼先總兵蔡元重修

丁志

蔡總兵祠在古北口北關康熙五十九年廣東提督姚堂建

丁志

懷柔縣

社稷壇在衙門外

懷柔吳志

山川壇在南門外

吳志

風雲雷雨壇在南門外

吳志

邑厲壇在四門外吳志

關帝廟一在大東門內城隅向有朝陽菴今廢遺址歸入廟中

一在房家莊明御馬監劉寬重建有翰林學士劉龍碑未錄吳志

文昌祠在文廟東萬曆中知縣史國典建吳志

魁星閣在南城上吳志

城隍廟在南門內大殿前有古松一株蟠拏天矯濃陰如蓋每歲

五月二十五日城隍神誕辰廟會五日遠近畢赴平時香火寂然

吳志 戴聖肥重修城隍廟記古之為國者專於治人而後世之

為國者則不能無藉乎神道之教神道者所以扶賞罰之窮而佐

平明之理也古之制國社里社而己未有城隍也然宰我之對鬼

公有使民戰栗之言而新莽之誓其臣下亦曰社鬼証之此即鬼

神之說所自助矣迨齊慕容儼梁武陵王祀城隍皆見於史而唐

張說杜牧並有祭城隍之文李陽冰有繪雲城隍之神而祭厲之日

始入祀與國家稽古定制守令至官必先謁城隍神而祭厲之日

以城隍主之是則人鬼幽明之所宗其義重於前代矣懷柔邑小

而近邊園佔之後生齒稀少而在諸邑之中稍為清樸然以密邇

浩穰不無奸宄之慮合聖君曰是可以神道教也邑故有城隍廟

傾地不飾令捐俸以爲之倡不兩月而助役者若干人作東西廡
各五楹列奠司之神如所謂泰山考鬼西方地獄者而悉取其
繪圖於壁堂階門垣丹青黜至煥然一新庭中有古槐二株其
下垂爲朱欄承之或時憇而聽訟吾見邑之人將爲善焉必曰神
所贊也是令君之所勸也將爲不善焉必曰神所怒也是令君之
所沮也使民日遷善遠惡而不自知事近而機深功微而化鉅其
所謂因俗而教者歟若乃彫敝卑子之餘而能積眾力於旬月之
頃令之能亦固可知矣是以樂爲之記令姓陸名騰駿淮安清河
人縣署有厲鬼爲祟知縣嚴暄楊因培兩任出擾害人斃者屢屢

府尹周家楫爲文禱於神祠患遂息

神曰維神威靈德佑統被陰陽割境官民胥蒙顯護焉以宋楫奉

土乃聞懷柔縣署枕棹不安邑令嚴隨眷屬有被所謂壁虎壓害致

未可之事器令楊因培接任時歲及禍上年忽報病歿是否由北原

其何以共與爲治相傳懷邑官廨後有土堆爲前代死事忠骸所

瘞精誠魂魄於茲憑依凡我官民實深敬悼然人神道殊古今理

一苟推當日報國之忠俯念此日官守之責自必兩無壞害得效

靖共無怠至於俗稱壓虎非涉怪異理應驅除致祭當飭在事恪

恭無怠至於俗稱壓虎非涉怪異理應驅除致祭當飭在事恪

治公之所豈容若輩憑陵恣爲妖厲神威赫耀玉子蕩除使之官
盡其職宅得其安仰荷神庥同深感敬家相不才鮮所樹立然耿

狀此表靡時不以爲國爲民爲念其或潔誠未孚難邀神佑則
家相不職甚甚何敢報類素餐於是尙以家楮在官尙知盡心今
此憑誠切訴可加鑒納則黎笑捍患固亦神之職也
爲此謹告遺現署懷柔縣知縣孫德祐代祭神鑒之

八蜡廟在城內東北高阜上祀八蜡神俗呼蟲王廟吳志

真武廟在縣正北城上最高處吳志

馬神廟在縣治後西北吳志

東嶽廟一在東門外 一在卸甲山明里民張公秀建有中書叢

恕碑去錄 吳志

火神廟在東門外土邱上吳志

龍王廟在東嶽廟土邱下稍南吳志

玉皇廟在東門外土邱上吳志

護國天仙宮在髻髻山山舊有碧霞元君廟三間明嘉靖中有王

姓老媪發願修建以山高風烈瓦易飄失募化鐵瓦獨身運至山

上往來迅速人異之施者漸眾殿以告成每歲四月十八日四方聚會五日入

國朝香火日盛康熙三十七年道士李居祥撤鐵瓦之殿改建大殿殿後為寢宮為聖母閣皆極洪麗殿旁樓房鱗次其東有閣聳然臨眺尤勝皆居祥所創循級而下為鐘樓有明時勅賜護國天仙宮門額下為三皇殿由三皇殿東拾級而上為鼓樓再上為玉皇頂建圓殿八面皆窗圍以朱欄三皇殿之南為廟總門門之外

有

萬壽碑亭

和碩誠親王萬壽亭碑蓋自兩儀甫判坤德上配乾元五嶽肇封岱宗首隆祀典盛世懷柔之有道明神顯赫

以呈祥欽惟我

皇帝陛下仁周六合道格三靈耕織日麗

於履施賑粟之仁類下捐租之

聖慮遂使豐稔屢奏甘霖

時屢施賑粟之仁類下捐租之

詔黃童白叟同擊壤於康

滿屬國遐陬共獻琛於輦轂既辨榛手獲載思報答乎涓埃每當

值三月之慶揚祝萬年之純淑條風披拂淑氣回旋花馥郁以凝

香草青葱而散碧翊鸞窈窕構蓋續紛舞鳳嫵娟朱旗繚繞燕沉
檀於寶鼎發祥光宣昭上瑞戲開麗照樹燦琪花初的珠以疑星
景乍明煥而似月彩映北辰之座輝聯南極之精較之烈山紀瑞
繼榮煌而炎德以加隆卜姬年而逾永信神明之昭格知盛世之
休徵迨及曙色將分晨熹候破玲瓏貝闕旭日升自林端豈鼓珠
宮形雲翔於天際共伸封祝成效嵩呼靈豫神禧降祥賜慶晴嵐
縹緲甘露宵滋佳氣鬱蔥醴泉地湧羣靈洽而共祐百福萃而來
同合億兆之隆心願一人之有慶每十年而申祝愿萬禩
以加虔惟精潔之未工散勒石以紀瑞頌日天宜
乾御宇道配清甯化隆三五入表同仁九疇時牧川嶽貢珍靈
錫祐惟此雙峯祥秀幾東秦岱是副祀典兼崇輿情祝
帝座聿運神况昭明煜燿瑞擬榮光慶逾復旦休祥眾觀純
回季漢璧合珠連品煥絢耀瑞擬榮光慶逾復旦休祥眾觀純
方昌 聖壽悠久大地無疆仁風翔洽化日
寄長願登真筮永綰官商康熙歲次甲午孟夏日
駕幸髻髻山是年六月遣養心殿監造官王道化齋

御書敷錫廣生四大字額懸天仙殿前康熙五十二年恭遇

皇上六旬萬壽

命皇十子敦郡王皇十二子固山貝子及

御前太監魏珠齋

敕降香諸王大臣及旗民人等延在京道官四十八員至山改建
萬壽道場於三月初一日始建是夜聖燈湧見散若金星滿山照
耀見者踴躍稱瑞至十八日

萬壽節至山進香者二三萬人時李居祥創建玉皇閣魏珠轉奏
特賜內帑並皇會佈施銀五千兩建玉皇閣於山頂崇文門監督
尙之傑董其事明年閣成賜

御製碑文

吳志

御製髻髻山玉皇閣碑 距京師百里有山曰髻髻隸懷柔縣兩

峯高巍望之如髻故得是名自元明以來號爲近畿福地因上有
碧霞元君之祠是以每歲孟夏四方之民會此祈禱者駢肩疊跡
不可勝計古稱積高之區神明所舍况茲山北倚紫塞南拱神京

岡巒迴合蜿蜒磅礪而鍾秀于是則其神氣之感數有靈應理固然也康熙五十三年值朕六旬誕期諸臣民就茲山瞻禮爲朕祝禱因共建玉皇閣以祈延壽經始於癸巳三月十八日落成於甲午三月十八日而請記其事朕御極五十餘年夙夜孜孜唯體上帝仁愛斯民之心以撫綏天下幸四海清晏年穀順成朕與天下臣民得同享太平之福者皆

上帝之眷祐也朕之祇承於

上帝者唯在天下臣民之永安而天下臣民之祝願於

上帝者唯在朕躬之永不然則茲閣之建卽

上帝之陟降監視於是乎在矣爰立貞珉載其始末以傳永久云

康熙五十五年

駕幸髻髻山賜帑金三百兩修造廟宇賜道士張士傑爲道錄司

覺義王士昭等二十二人皆給度牒康熙五十六年直隸總督臣趙宏燮建

御座書室於殿門之東建涼亭於西小峯之上并增建玉皇閣下臺基壩牆階級等處康熙五十九年又捐建鼓樓於三皇殿前之東以配鐘樓修築磴道自山下至廟門凡三里悉甃條石高陟處皆設階級於是規制大備矣山半舊有魏忠賢生祠明天啟時巡按御史倪文煥請建賜名崇功祠未成而忠賢敗其基址甚宏壯道士李居祥卽其地建迴香亭每歲四月京師及四方進香者於此回向山下有元君行宮爲道士下院 一在駙馬莊廟臨官道久傾圮康熙五十二年夏和順誠親王出口途遇大雨雹入廟暫憇默禱於神候晴霽因發願捐資修建莊嚴像設廟貌聿新焉

吳志

鄒衍廟在黍谷山

吳志

張公祠在東門外祀邑令張善略

吳志

白公祠在南門外祀明兵備道白棟有惠政民為立生祠今廢

吳志

蔣公祠在學髻山劉家店祀明邑令蔣守浩今廢

吳志

涿州

社稷壇在州北郭外

涿州吳志

風雲雷雨山川壇在州南郭外

吳志 案續州志云風雲雷雨廟在官驛街廂俗妄作也

邑屬壇

先農壇均在州東郭外

吳志

城隍廟在城內西南隅

吳志 于韜重修城隍廟碑高皇一區宇設藩府州縣以理庶務封境內神祇以作

黎元蓋準酌古今之定制而垂永遠之鴻範也

涿州城隍神祠歷今百年久而弊陋正統間山右王君拜馬政之命來作是郡展謁

祠下碩瞻嗟咨退而謀諸守日神祠不修何以受神靈享祀

謁謁祝禱民生守然其言於是相與營度計費甚鉅捐俸金以為州

瞻祝禱民生守然其言於是相與營度計費甚鉅捐俸金以為州

人伯州之民聞之躍然曰侯之此舉所以福吾民也吾其坐視乎
願助賃工市材明年作正廟共若干樹東西十二司若干楹廟後
為寢若干楹以至庖庫門垣成備以固高廠宏麗踰於舊規僉謂
功既告畢不可無傳於後丐文以壽諸石夫神者聰明正直聖不
可知受命於天而司察於越有嚴春祈秋報駿奔惟謹所以起畏敬
炳煥一新歲時展禮對越有嚴春祈秋報駿奔惟謹所以起畏敬
奉承之心致發見昭著之實君之惠民豈細故哉君以馬政守官
苟齋養蕃息而不曠厥職則亦已矣又能廣此意以布福于民其
志其才皆可書也韜承乏涿庠九載滿秩文口口足弱世教幸獲
厠姓名於其間故不敢辭以口口昭示無窮肇斯舉始終効勤
者馬政判官王君璿相斯舉助貲者前知州事黃君衡耆民顛真
昇輩也經始於景泰二年辛未二月辛卯成於三年王申三月甲
辰記作於五年甲戌七月王申也

土地廟在州南門月城內

吳志

開帝廟一在州東郭 一在智度寺西 一在東門月城內

在州治東 一在北門月城內 一在南門月城內 一在城內

觀音堂

吳志

文昌祠在學宮東南隅萬曆四年知州岳沐等重建天啟六年學

正虛資生等同州人王澤民重修有記今乾隆二十五年移建在

文廟宮牆外東北嘉慶十六年重修吳志 閩秦和重修涿州文

孔道舊有文昌祠在邑南巽序東偏距郭門數武前明神宗時重

建殿三楹無廊廡修於天啟六年我國朝文治昌明郡邑之開

祀典咸秩於乾隆四十九年重修至去年庚午秋七月霖潦積旬

漂圯殆遍今年春三月卜吉再修迄六月告成增廊廡三楹餘仍

以舊葺者新之重塑像設昭崇奉焉主議者趙學正麟李訓導王

琇成貢生王志勤而首捐廉為邑人倡者則為州牧王君德棻董

其成者前山西蒲邑令徐君國祜也鳩工之始值工藏司事以余嘗

五臺還余迎蹕至塚主張茂才家悉其詳比工藏司事以余嘗

官京兆屬茂才乞記於余竊惟周禮天府祀司祿為文昌六星以

祈司土命默造天下之才器德望為國家襄理太平潤色鴻業也

方今聖人在上化被譽髦土成翹秀俎豆之馨六合嚮風

而附近首善百餘里間教澤薰陶祀事修舉且於荆榛瓦礫之地

煥焉改觀自非守土之吏食德之士有以崇本知要曷克臻茲梓

見四方之士往來於京師者道出斯邑咸得下車瞻禮則知此舉

之所關者甚鉅也因重其請并述其始末俾誌歲

月以泐之石時嘉慶十有六年辛未秋七月既望

名宦祠

鄉賢祠

忠義孝弟祠

節孝祠俱在學宮內志吳

東嶽廟在北關玉女祠右明成化戊戌年敕建吳志顯應東嶽廟碑成

化紀元以迄於今凡鄧拾保邦之務無不究心鉅細畢舉於奉先

禮天禮儀尤捲捲不置以至名山大川之神有利澤及民者亦命

祠於州北郊以答神貺歲久傾圮僧德興借義民王璘輩團重修

之方募眾市材而遠近之人富者施財貧者効力若蟻行鮮集瑣

輩觀茲人心信嚮之夥謂工不可苟作亦不可苟成具狀以聞上

日若神誠有利澤及人者宜人信嚮之有如是乃發金幣命御用

監大監梁芳瀟往以助且俾董其役芳祗受上命至被贍顧舊規

狹隘又債鄰壤若干畝以廣其基卜以戊戌秋七月興工中建顯

應殿殿兩翼建炳靈司命二殿東西建兩廡兩廡之間建蕃楨錫

作二殿殿列廡如官舍為七十四司皆自像位之各有職典殿前建
龍虎殿又前建山門內東西建江東太尉二祠正殿之東建慈
光廣翅宮修廊列施儀門前延賓館舍以及庖廡庫廩與夫供具
口表牌坊左右對峙凡棲眾延賓館舍以及庖廡庫廩與夫供具
樂器既完且美以庚子秋九月告成特頒勅護持之復簡道士減
守中住持於內朝夕率眾為國祝釐為民祈祐芳以上崇奉神明
之誠實萬愛民之仁不可無文垂示永久悉述始末屬筆於安謹
次第書之且係以詩曰泰山巍巍濟魯東千巖萬壑重復重三峯

直上摩青空勢跨滄溟臨恆高佳氣竟日長鬱葱僊禽瑞獸居其
 中生賢降才佐時雍興雲致雨濟三農溥茲利澤盈八紘他神豈
 敢爭長雄自昔供奉瑤宮曰王曰帝嘗尊封玉册金笥羅橫縱
 崇茲望秩三公同禮典悉繼唐虞趾吾皇紹統尤加隆公祠此郡
 昭宸衷爰發金帛徵六工六工効藝締構崇飛殿列庶深且閔朱
 門丹陛何輝燦晨昏讚祝鳴鼓鐘靈明歆鑒無怨恫祈斯應今感
 斯通物不疲甯年穀登風俗清美民孝忠仰佑慈闈與聖萬麻二
 躬千秋萬歲福祿供四方萬姓均旃幪永允嗣無終窮

年慈聖宣文皇太后敕重修規制敞麗有張居正碑記

日下舊聞
 張居

正東嶽廟碑記泰山為羣嶽長古之帝王莫不秩祀之記所稱出

雲為風雨民所取財用者是其威靈顯著功德廣大不惟惠及

於一方而已且位在東方職司善惡冥運陰陽可以左右人主賞

罰之柄胙繼徵應由來遠矣涿州之北隅有東嶽廟成化戊戌純

皇帝命官鼎建拓地增宇迄今九十餘祀矣廟貌地敝神將弗享

今上嗣登大寶祇奉聖母慈皇太后慈命特出帑金於胡良巨

馬二河各建一橋以利濟往來之眾又以廟近於橋為承人所依

遂並神廟一新之命司禮監太監馮保督理內官監大監劉濟董

工財不取於賦謂役不假於官師人心競勸一再閱月而告成中為

顯應之殿翼以祠東嶽仙妃凡殿寢門闈亭觀廊廡規制藻飾視舊

光廣翊宮以祀東嶽仙妃凡殿寢門闈亭觀廊廡規制藻飾視舊

有加以冕服惟帳幡幢供器以安神靈者罔不畢具落成之日承
 人奔走欣躍瞻矚動色遠來祈祐者咸祓除齋潔無敢弗欽神靈
 莫安景觀昭答濟濟翼若青都臨於近輔磐石移於京邑信羣望

之會宗方與之勝境也夫大造之運歸于無朕顯于有赫后土所
載無不有人則無不有神司之君人者為民則設官以治治之有
弗能移者則藉神道以默相其間自生民以來未有廢此者也今
聖主用大道為治天下齊風文德因治遠人來歸若無事于神者
乃猶以懷柔之典有舉不廢倘亦神道設教之意歟今靈惟德馨
仰篤慈佑以保邦聖躬福庇下民俾清風湧穆億千萬年則禦災
捍患允符祀典不為黷矣工竣謹奉命記其顛末勒聲詩以告成
事辭曰東方曰仁萬物資始神惟岱宗實主張是有赫威靈周流
六虛涿鹿之原惟神所居琳宮我我肇禋自古弗涓弗除神不安
處惟皇御極懷柔百神祗奉慈命用圖厥新既建虹橋遂作神宇
拓其堂基施及廊廡真儀崇設靈官景從珪幣醪醴式薦國容惟
神聰明保茲皇祚握圖膺籙如山之固敷錫下民時雨時暘無有
作惡敢干天常泰山巖巖京邑翼翼敕辭麗碑垂祀萬億

真武廟在北門月城內

吳志

昭烈廟在樓桑村昭烈故里也唐乾甯四年刺史婁延建郭筠撰

碑金承安初重修翰林應奉王庭筠碑記

吳志 金王庭筠涿州重修漢昭烈帝廟碑仁

者未必成功成功者未必仁仁者之心以仁仁天下不仁者之心
以仁濟其私故善論人者論其心之何如而成敗不與以仁濟其
私者發其言見於其事亦仁也蓋竊仁以欺天下夫竊仁者是有
大不仁根著於心然竊仁易窮也而根著於心者不可掩天下之

人莫不腹詈臆墜雖一時成功旋與草木同腐矣仁者之心不
 其身其家而以天下故天下之人亦相與謳歌戴仰願以為吾君
 雖生無成功天下之人莫不嘆息至後世猶喜稱道精爽在天能
 推其仁心用之不已施之不竭呼吸而雲雨階蹇而風霆咫尺萬
 里朝夕千載此理之自然無足怪者先主仁人也當陽之役不以
 身而己存厚愛天下之心必饗天下之報至今天下之人猶歎息
 是而已有厚愛天下之心必饗天下之報至今天下之人猶歎息
 其無成而喜稱道之沐之人又祠而奉之宜哉承先主之故家也
 廟距州西南十里而遠庭有石乃刺史婁君延重修記唐乾甯四
 年也則血食於此舊矣歲久屋老纔庇風雨今年夏四月里民始
 議增葺於是富者以貲巧者以藝少者走以服其勞老者坐以董
 其功稍完治中堂新作門屏又作兩廡配祀元臣諸葛孔明關雲
 長法孝直在東龐士元張翼德簡憲和在西既成其興廢歲月乞
 文於庭筠將以刻諸石庭筠曰五季兵火之餘室虛焚蕩殆盡而
 廟貌巍然獨存悍夫暴客過堂下斂兵肅跪不敢犯則其仁之入
 民深矣大哉仁乎蘊之於心充於天地被於萬物蓋有不與死而
 俱亡者幽而為神其遺澤殘烈句及天下後世以達其生平未厭
 之心必矣豈獨私乎一鄉哉祀而奉之者特其鄉人之情耳庭筠
 既書其事復作歌遺之使迎送神佐其鼓舞以樂之辭曰舜禹不
 可作兮古猷日漬盜取益守兮恬不怪仁人起兮力既其廢志天
 下兮豈獨為漢計大統末一兮時已逝奄為神明兮陟配上帝何
 紆我憂兮仁及異世彼曹不兮死為妖彗握長鈇兮載變載樹燕
 越遷陣兮范水之裔平曠如砥兮惟神之豐沛鬱幢幢兮羽葆蓋
 悵籬樹兮今安在記兒時之舊事兮想亦為之一振神之去來兮

蒼虬翠駟祭華裾兮翎鳴玉佩
相瑟而吹簫兮紛羣音之繁會
壯肥酒香兮神其飲醉雲席在兮
回風滿旆將而送兮百拜民不忘
兮遺愛驅蝗蝗兮痛疫時雨陽兮
屢歲元有郝經碑記舊稱先主
俾富康兮耆艾民德神兮事之無替

廟經為易其題榜曰漢昭烈皇帝廟
吳志郝經涿郡漢昭烈皇帝

其廟祀尤盛源故燕因古多豪傑之士
歌謠慷慨任俠報讐遺風

尚存每言曹魏篡漢之事莫不愾流涕
想見昭烈君臣其父老

過其祠下拜謁而致奠者朝夕不絕
其歲時祀事合沓走集不遠

千里指不樓桑故居彷徨不忍去
廟在涿郡南十里而近自隋唐

五季違金以來皆即故居代為增葺
其正殿當中山靖王之後昭

烈像設衣冕南向其佐命將相則列
於兩廡左則諸葛亮驅統法

正許靖右則關羽張飛趙雲馬超位
序崇敞有法制焉廟故有碑

金翰林應奉王庭筠詞推明昭烈之志
論議華采近世所無然舊

題為先主名號有未正焉按春秋左
氏傳稱先主者大夫稱其先

大夫之辭生則稱主沒則稱先主非
帝王之號也魏晉私記以昭

烈父子為僭偽故稱蜀不稱漢以昭
烈為先主安樂為後主至陳

壽作志即以漢與魏使昭烈父子與
劉璋共為蜀志其後著書者

皆以魏為正統惟宋司馬光更蜀為
漢初曰漢中王即位曰漢主

朱熹始奪黃初之統以章武繼漢焉
或者又以為族屬疏遠不能

紀其世數名位猶宋高祖稱楚元王
後南唐烈祖稱吳王恪後此

又從而為之辭者也後世之致疑未
若孔明之傳信曰將軍既帝

室之肖信義著於天下又曰霸業可
成漢室可興為帝肖使興漢

室當是之時莫不以昭烈為漢帝曹氏為漢賊豈至於後世而欲以一已之私反之哉故正其名號曰漢昭烈皇帝榜其殿而系之以詩曰高祖造漢拯民塗炭世祖載難民適思漢兩都二祖至四百年昭烈之興死灰復然難於二祖百折不阻漢皇奔走眾機一旅豈梯仁厚民心是歸必得國土始可有為既挾熊虎復起臥龍電掃漢南雷震江東賊操扼吳據有梁益遂取漢中興王立國高皇之起始實在此拓定中原貽於孫子漢賊不並顧起偏安不豈其敵誅讐弗難天不假年憤軍崩殂不能致討還於舊都顧命孔明伊周之事不私其子天下大定琅琅格言最以為善三代君臣乃今復見宗臣流涕效死出師游魂復鬼折敗不枝峻茲返照有光屬天既絕之統復一再傳三君一仁三起三滅廟食帝里至今不絕燕山之陽涿水湯湯篤生異人復一高光杜鵑不來桑猶在寢刻詩廟門 明宏治二年知縣張遜重構殿三楹翼以東西配殿萬世是論

州志以開 張桓侯廟一在侯故里忠義店 一在州南郭桑園 吳志 陳懿

張桓侯廟碑略漢車騎將軍張侯專祠在蜀涿州其所生之鄉州有廟舊矣方侯之從先主起也間關百戰艱險周旋身陷陣瀕危者數矣而卒以之興復九死不回及與諸葛亮沂江定蜀三分鼎建之業開拓為多作鎮巴西破張郃之眾曹操遂巡引退不數復窺漢川庶幾哉可與關侯爭烈矣而侯氣吞吳魏方勃勃未已乃竟死帳下兵卒之手其志鬱而未伸其精爽必有不可磨滅者則

侯之有廟以奔走其鄉之父老子弟宜已然侯非獨勇烈茂也蓋亦草味孔子之風焉當搶攘中土皆從強大毅功名侯猶待賈司馬事解而後釋然侯則退無後言又嘗降級而釋嚴顏此尤雄者所難而侯獨能之以勞定國以元順帝至元六年加封武義忠顯死勤事侯誠合乎祀典者矣

英烈靈惠助順王今仍稱桓侯廟

吳志

藥王廟在南郭吳志百餘里城南關外舊有藥王廟始建於明嘉靖中

廟東與行宮接壤純廟睿廟三楹中奉三皇東西祀岐伯扁鵲華佗諸人所以戒疢癘備

禱祀使佛氏之徒守之嗣改建前祀神農中祀彌勒後祀觀音則

佛氏之徒倡眾拓修遂以並祀其師云爾歲久圯住持僧心華又

諫修之呼號遠邇莫不競勸鳩工庀材削屢皆作遂於道光二十

三年二月十四日興工次年九月工竣僧復以其餘力新廟北之

火神廟接翼速費煥並時是時余仲父芸孫先生牧是州已三

年親見其廟之由圯而復新也嘉是僧之能守其職以不墜舊業

因允其請命余一言識其勤余惟京師遠近之郊自前明以來神

宮佛刹奚啻千百計今其蹟皆湮滅殆盡崇閣麗偉之區無有存

者而斯廟之始土人猶知之其興廢蓋何足道今天子篤

於遊觀務借民力物料不忍置諸無用之地向時所在行宮廟

飭有司掃除而已願涿州為祗謁陵寢常所經臨四方來

京師道路畢合於廟之西南遠近瞻仰攸繫茲廟固密邇又奉

先朝賜墨永宜珍護其可使勿復其前觀也耶詩
不云乎君子所履小人所視爰敬識其日月俾後不忘

三皇閣在北門月城內

吳志

昭佑靈惠公廟在州治東南隅神張姓秀名仕唐為馬軍兵馬使

司寇大將軍檢校太子詹事安東副都護兼御史中丞或曰後漢

將軍元天麻至正間累著靈異加封號曰昭佑靈惠公勒石記事

吳志夏以忠昭佑靈惠公廟碑涿郡城東南隅有古塚歸然世
傳以為清河張公之墓公諱秀仕唐為馬軍兵馬使司寇大將軍
檢校太子詹事安東副都護兼御史中丞郡人麗其塋而祠之目
曰金甲將軍歲致祈禱尚矣又云墓嘗圮得全明昌六年石刻紀
後漢將軍沒於是邑而葬焉其稱清河則一而或唐或漢則異圖
謀淫廢莫決其孰非也天歷年間近關不守已而曼城得全人指
以為神之功有司白於上始封為靈惠侯乞靈者日益眾神異亦
日昭著不可殫紀至正十九年己亥春妖寇侵軼畿甸京師戒嚴
徵調方殷遠邇騷動時諸將貪暴師兀無律數百里內掠人為糧
郡邑率自殘毀惟涿未破豎將矯命利其有以三月戊午遠入據
之民之膏其鼎鑊者日以千百計居十五日而去人咸謂非神陰
遣之必靡有子遺矣請增秩於有司以答其貺命未及下諸軍之
接壤而屯者相比歲饑餽餉不繼將以兵叛冀飽於涿者非一日
明年庚子四月己巳城陷雖哺至夕遁然剽掠焚蕩慙甚驅以負

荷者男女無算又將割烹之莫不露禱祈善返越三日歸者餘五百人又以爲非神之力量不及此申前之請益虔中書下其議太常遂加昭佑之號而易辭以公命下郡人割牲醴酒以告范陽尹嘉公侈其事屬命記之且曰吾赤子幸存神賜也嗟夫天地儲精得五行之秀者爲人其有聰明正而卓然不同於流俗者則能立功名於當世垂事業於方來故其歿也則爲明神漢人所謂生封侯死廟食者是已且人之以禍福聽於神者亦衰世之志也天道福善禍淫神豈能私予奪於其間哉因其有神而禱之尙足以繫其遷善悔罪之心庶幾率德改行焉爾祭法曰能禦大災者祀之能捍大患者祀之公之血食於茲土也殆所謂能禦大災捍大患者耶聰明正直固不容以小知窺之矣雖然神依人而行者尙使顯連無告祈哀於迫切之際而不因有以全之則將死徒無遺又何以得今日齊明盛服以承祭祀如此其嚴乎鄭君大庸欲誌之於不朽者豈徒以揭其報祀之虔殆著其民前日之感而勸其民後日之無或怠也予前掌教於郡悉其顛末故次第其事而書之吳山鳳清河將軍廟祈雨記人心之所聚而神憑焉神依乎人而天應焉聖人所以神道設教而人所有賴乎神者其理甚正其道至大涿州有神曰清河將軍或曰唐人或曰後漢時人有墓在涿境元時屢著靈應封號昭祐靈惠公下有河建廟以祀歷今數百年祿之人水旱疾苦必禱焉山恩來牧是州乾隆二十九年之春麥將有秋時雨未至州之父老來請曰宜禱於神屏慮憐躬齊明夙且牲牲黍稷盛芬蕪肥碩入廟拜跪駿奔祗禱洞靈汗漫杳冥悅德雲師箕伯神光蜿蜒霖雨四澍滂沛汪濊中田盈尺決渠奔泉桔槔臥野發稜在廬台耆亂稚權弊蔽路日微神之惠不及此越明

年又如之膏澤應時資無匡困人有四鬴漿酒藿肉神之惠我民
豈不蕩蕩乎或曰神蓋沒於斯故得主之以福祚其民人余曰不
然神之靈無乎不在派之人神之故其應也赫焉且天之仁愛萬
物也孰不茂之入之慘但呼額於天也孰不應之人不能自致於
天而神帥之使自效於神以上通乎天而人是以是歸於神之靈是
故神者聖人所以為教而天下之人俛首聽命感應之理宜有如
是余忝州牧邀神休之錫羨得與州
人士樂豐稷而安作息也於是乎書

火神廟在南郭吳志

馬神廟一在分司前今移在州治內 一在參府西南吳志

旗纛廟先在參將廳後嘉靖三十四年都指揮李勇移建於文廟

西巷吳志

八蜡廟在州東史家溝吳志

蟲玉廟在州東郭吳志

劉猛將軍廟在城隍廟東偏吳志

佑濟龍神祠在永濟橋東南州志在北郭

國朝乾隆二十六年奉

旨重修

日下舊聞考
州志作二十四年

御製重修涿州佑濟龍王廟神祠碑文 庚辰春命大吏重修涿

州永濟橋橋東南故有龍神祠歲久並就彫剝飭工斤而新之越

辛巳酉巡旋蹕省視落成則行者利往來居者時蓄洩善夫人事

集而神祝臻數典庶無關也議禮家謂龍之祀自史記朝那龍湫

始顯其文不秩于三代殊不知經訓所載山川能興雲雨致神物

以爲民芘者民必祈而報之近至一坊一庸尸祝索饗惟恐後矧

涿郡地列望繁當九畿之會而胡良拒馬二水淳涵歆飲用衍潤

我神臯其必有以默相之也固宜或者疑有明已來水汎而橋圯

匪一昔矣神將奚妥焉諒之曰神依無在無不在曩者祠與橋雖

廢而神之精爽固無不在也今者橋與祠成而必曰在是是猶未

知神之無不在也然橋若祠煥然一新顧弗致精乎其所式憑以
斬所爲佑且濟者其可乎哉夫修廢舉墜不可以人事未集而豈
聽諸神其又可以神妥于斯而不益懋夫人事耶則輿梁爲政之
句足深長思已繼自今若蓄洩在居者往來在行者尙其善保厥
成以永孚於神庥而可哉橋記緣起已詳茲因祠石請文書以揭
之如此

海龍神廟在海神塘邨之南去州治十五里

吳志

平浪王廟在北郭俗稱小神廟順治十年州守鄭玉建祀蕭晏二
神畿輔志蕭公名伯軒宋新淦人明封水府靈通廣濟顯應英佑
侯晏公名戊子元臨江人明封平浪侯

吳志

張相公廟在城隍廟東畿輔舊志神本越人爲水神明萬厯間有
越人經商獲神佑始爲廟祀焉

吳志

盧敏肅公祠在城內大街祀兩廣總督盧坤道光十七年遵例建

吳志

資公祠在城內西北隅相傳禹鈞故居也今祠圯古槐尙存

吳志

房山縣

社稷壇在西郭迤北

房山志

風雲雷雨山川壇在南郭東側

吳志

厲壇在北郭迤西

吳志

關帝廟一在西郭 一在石窩店

吳志

城隍廟在縣城西北隅

吳志 吳道凝重修城隍廟碑記

皇

之神與山川並列正祀以其爲萬民司命也載藉前志爵封顯佑

伯鎔金爲像架木爲祠神式憑之用嘉惠億兆俎豆馨香垂二百

餘年以至於今其間補葺增修者名勒碑陰昭然可考說者曰聖

人以神道設教不過爲冥頑輩森羅拜象使有所懼而不敢爲惡

此猶淺之手視神道也上帝之尊處於冲漠而職司都邑者神實

有靈其心則帝心也其力則帝力也萬民之生胥聽於神神之聽

明無不見聞神之正直無不賞罰嘗見某也為善而降之百祥某也為不善而降之百殃高爵厚祿而人忘神力是枝葉繁昌而不也為培植本根也豐衣足食而人茂神象是安然無心而不異抱火知培也豈獨愚民之過抑亦有土者之羞余奉命來茲職在厝薪也民事神翕拜之餘見其廟宇摧殘荒涼滿目竊以畏神為懼而治民事神翕拜之餘見其廟宇摧殘荒涼滿目竊以畏神為懼而通一呼而應捷於風雷先民有言入廟思敬不急為修理不敬莫大焉諸君子勉之不有廢墜何由與舉今規模已定果能稱量而助合眾心以為心萃眾力以為力不需時而棟宇松雲塗茨丹艘以妥以侑所以挽一邑之人心而共趨於善者皆神靈之所使也是資理之沈周原不止形象之威嚴則由茲而遙觀厥成益有光於祀典矣

賢良忠義祠在城東南隅同治戊辰重修

敦尚立行幸而世際昇平則以德化人不幸而時遭變亂則以身殉國雖賢良忠義之稱謂不同其所以扶綱常勸風俗有功於世教則一也故各省郡邑咸建祠宇春秋致祭蓋嘉其志節報以馨

香也房山縣城東南隅舊有賢良忠義祠荒廢久矣瓦礫成堆荆榛滿地既不足以壯觀瞻並不足以樹型範且使賢良忠義之士

英魂毅魄徒棲依於荒煙蔓草中也可勝慨哉余莅任後極思修葺之適植本邑常公菴號葆初因秉鐸饒陽遣同治戊辰拾匪之

亂登城固守城陷身殉公長子茂才名履剛蒙子潛又殉其父難

良志 高建勳重修賢

良忠義祠碑記士君子

經督憲題請奉旨建祠之文到縣余正與儒學兩廣文策
議勸捐仍舊祠而重新之維時常公之弟拔貢生名綺號震軒者
進曰房邑地瘠民貧屢因賑務橋工捐輸不已民力實有未逮願
獨力捐修無累他人余嘉許之兩月後工告成焉余遂同僚紳送
常公父子神位入祠
子為孝子既得祖豆千秋永垂不朽矣而前此入祠諸賢又復享
祭得所更無祠宇荒涼之歎即斯邑人士亦庶幾有所觀
感而奮興焉是皆霞軒之功余故樂為之記而立石云

三官廟在縣西三里留臺尖王志邱乘哲重修留臺尖三官廟

以為遊觀之所固其力之有餘也後之人援為善獲報之說以取
資於眾力則不得不謂之廟則不得不奉以神有廟有神則有僧
有道士而僧與道士者又託為詭異之言以為信吾道者可以駐
顏否則將為神於死後可以邀福否則亦食報於來生匪特愚人
信之即當世文人學士往往不能無惑者蓋陰陽消長之理天人
感應之機未能了然於心也余仍作遊觀之所而已神者姑以為
地主僧與道其僕役歲時藉以修補往來資其應接固亦不能無
者也留臺尖者其命名已久矣起於羣山之外逼近於縣治之西
登而望焉城郭坊星羅棋布歷歷可數非所謂名勝之區耶自
元明之世建三官廟於其上其間為僧為道士迭為廟主者屢矣
有川僧者因其傾圮欲易三官為佛又欲易留臺之舊號而加以
招提蘭若一切虛誕之名夫三官與佛無擇也而留臺之所自始
不啻天造地設於眾山落脉將就平衍之餘一峯陡峭百仞嵯峨
殆留以為遊觀之所而自然之臺也豈人所得而易者哉幸里中

首事力相排阻神復其舊山復其名而殿宇垣墉亦悉改觀矣夫
深山絕壑境則幽矣而獨嫌其僻齊雲落星費亦廣矣而尚覺其
卑惟我留臺尖境亦巖阿較巖阿有開明豁大之觀地臨城市視
城市有天上人間之別有志於學者絮後其上誠足以壯其觀瞻
豁其心目拓其胸襟而消其鄙吝也即二三友人花晨月夕吟哦
於此亦大佳事適廟將落成余遊其上焉首事者求記於余余喜
其屋宇修整遊觀者
蓋無憂也是為記

東嶽廟在縣東二里

志修

馬神廟在縣治西北

志修

真武廟在北郭

志修

黑龍潭廟在縣治北七十里大安山之上有龍湫深不見底相傳

有黑龍君居之元至正十年京師大旱遣留守都事薩里默色往

禱大雨霑足於是依山為壇因壇為廟正殿三間東西屋如之外

為神門設欄楹臨潭上中係龍神像被服如王者有歐陽原功碑

記修志歐陽元朔建黑龍潭廟神記房山之大安山山之上有
龍湫深不見底以勢度之下微山址世相傳有黑龍君居之至

正十年歲庚寅夏五月至六月不雨令銀青榮祿大夫中書平章
政事擢思監奉命詔留鎮京師召京尹赤縣令等官獨走羣望又
率僚屬詣在京名寺觀成禱焉雨不至平章公憂之歸家露香禱
於庭左右曰房山有黑龍潭禱雨輒應盍往扣之登遣今留守司
都事薩理彌實奉香幣行仍戒有司遣价又王虛官十一代真人
張公門徒明道洞微大師畢輔貴偕往既至輔貴等憑平章公問
雨之誠於龍明日龍見靈異觀者喜曰雨之徵也既而大雷電以
雨圻甸方數百里皆霑足槁苗盡起及秋五穀胥熟於是父老以
龍君未有祠請作新廟以彰神庥輔貴願募財馮潭依山疊石
築壇高二丈許廣可二百餘步因壇爲廟中作正殿三間東西屋
如之外爲神門設欄楯臨潭上中壘龍神像服飾如貴者儀旁列
雷雨部諸神以侑次及祀神之庖守祠之舍內外偕作經始於十
年之秋落成於十二年之冬費楮幣五萬三千緡有奇四年夏六
月京師又踰月不雨公復遣薩理彌實禱如前將行致公之意以
廟記屬元時元感暑下利連日病不能興聞命強起而然禱日龍
君卽致甘澍已時蓄當力疾以償諾責十三日王寅往禱丙午大
雨已酉又大雨自是雨大集是歲有秋都人每雨見風雲雷電奕
起西南自房山來知爲龍君所致薩理彌實竣事還以喜雨告元
疾亦稍甦乃記之曰天有三垣帝座所在諸星環之國有京城天
子所居百神之衛之房山密邇燕都多深山修谷實生神龍疏附奔
走居百神之先理之必然也且京師天下之本盛夏兼旬不雨舟
漕不斂物賈日翔四方輻輳者憂之又旬日不雨饑饉疾疫將作
居民憂之闕訟盜賊滋蕃朝廷有司憂之一日而百憂釋四方安
故房山之龍能雨京師有功於國甚大禮記祭法曰能禦大災者

祀之捍大患者祀之新廟之作於祭法為宜或曰社雖而不宇今
 廟焉以居龍何曰地載神氣神氣風靈風靈流形庶物露生社欲
 其露處以受生氣也龍者天之生氣能為膏澤以生萬物者也其
 質為陽陽動必靜靜必伏藏宇以棲神固宜又曰肖龍像以人何
 曰龍有變化不測之神人而為龍龍而為人古今多有之異時褒
 崇之典請於大廷祀於奉常為侯為公衣冠牲特祝號祭式必視
 人爵廟也像也揆之事理皆宜平章公蒙古怯烈氏國初以來元
 勳世臣之胄其父祖子孫羣從昆弟丞相御史大夫接踵不絕於
 朝故其體國也切其憂民也深其禱神也能竭其誠乃作迦享送
 神詩俾工歌其辭以祀併刻之石辭曰龍胡為兮山之盤風氣固
 密兮罔辯綢繆龍奉命兮宅阻幽屬帝室兮拱神州神州今盛夏
 不雨相臣憂兮奉牲醑分酌香龍來歆兮不遑處大振雷兮
 從元冥雲飛綴兮雨建瓴雨優渥兮年穀熟兮神州足神
 州足兮萬邦福龍盤桓兮此有屋能敷起兮安之業靈和兮齊希
 夷風雨旗兮絕天河清元靈兮揚素波帝日勞女兮復女居新廟
 翼翼兮山盤紆房之山兮雨之府鼓坎坎兮巫屨舞洋洋我民兮萬
 萬古國大秩
 兮食茲土

龍王祠一在東郭 一在龍門臺去縣二百里曰玉河臺四面皆

山其下深澗莫測志

虞舜廟在縣西南五十里志

藥王廟一在儒學東 一在縣西南五十里教子口

關王廟在縣南二十五里岳家莊

賈公祠在琉璃河祀唐詩人賈島康熙丙子知縣羅在公重修

羅在公創建賈公祠記士之立名節垂不朽者或以德或以功

或以言苟產於其地其地之人固宜若神明然家祝戶尸以為法

而守於其土者尤當推而崇之使民有所觀感而興起於善此風

化之大端未可以為不急而漠然置之也余少時讀唐浪仙賈公

詩與其高曠之致雅慕其人其仕吾蜀也長江之人至今享祀不

衰豈非以其德與功在民而其言足歌咏哉夫公房人也不宜落

公者不多見亦宜祠而祀之則而象之與吾蜀等不宜落矣而巴

矣考邑乘墓在縣西南十五里明大學士李東陽題咏存焉乃余

莅任初即訪諸眾俱茫然不知其所復親至西南求不得歎曰誌

存述亡不亦悲乎迨康熙丙子仲冬余以公事至琉璃河歸維時

水涸草枯馬蹄輕快由曠野取捷至二站邨南見殘碣高三尺餘

篆額為唐賈島墓云余驚喜下拜視其方則縣之東南也觀其地

廣不盈丈觀其塚高不過尺踐闕已甚也讀其碑字雖模糊猶隱

隱知為東陽公題咏也視其年為正德丙子知縣曹俊所立也余

既喜得之無意而又以蕭條蕪沒為悲歸而思曰及此不圖後將

安存第其地為旗人侵佔已久奈何爰因皇君麟圖轉懇之

慨施地六畝復募金錢於有力者庶不竭力贊襄而爭先之於是

建祠堂三楹於墓前昭其象也又建佛殿於祠堂前從公志也又

建禪房六間於祠東西募僧居之期可久也又倩出順治初年戶部存留香火地二十五畝為焚獻資崇明禋也事不煩而成功速嗚呼非公有靈不克顯其蹟非余與公有深緣不克有此舉非眾人好善之誠不克成其美夫豈偶然哉或曰公宦於長江卒葬安岳公無子誰扶其視歸葬乎余曰不然余重其人非重其墓也其人而賢也雖其所經歷猶將式之况故里乎且帝京景物略紀宏治中御史雲雍得斷碑於石樓邨為闕地置碑大學士李別記之舊碑所載亦然今石樓去二站不遠夫使斷碑無據雲李二公肯為之乎雖唐蘇絳撰墓誌謂夫人劉氏遺遺旨葬安岳矣不又曰權受禮乎既曰權安知不歸耶今日無子不能歸夫無子又誰為之立碑作疑塚耶故余口以好善之誠附雲李二公後其他何論焉工既竣率紳士而謁之僉曰美哉彬彬乎敝邑文運自口口公曷記之余雖不文若其始末所深悉也因書以誌又為歌以弔之其詞曰大房聳秀實產先生天性中和茂風骨澄清始悟夢幻托跡縉流念持全偶且吟且修騎驢得句手作推敲赫赫京兆以茲定交高才不遇旁若無人長衢白話可泣鬼神飛語中起行道悲傷放逐適性獨鶴翔翔奪卷晚帝雖命之遺君王大度短籌實遷煌煌後命已作參軍天更愛才遽遣修文我吏仙里景慕高風西瞻山峪名以君崇念茲一坯心焉鬱陶偶然相值如引如招嗚呼先生與數為仇孟郊北邙先生石樓爰建斯室以作君廬非善何親非緣亦疎賤子無文憑眺

霸州

社稷壇在柳行街西朱霸州志

山川壇在州東門外朱志

厲壇在柳行街東朱志

八蜡廟一在城隍廟東 一在長屯朱志

火神廟一在學官前 一在駐坊營 一在東城下 一在天官

坊 一在南關 一在趙哥莊 一在信安 一在策城 一在

康莊朱志

東嶽廟一在州治東北隅故益津縣治也相傳為前明正德時巨

瑤張忠所建祠東為鹽厥河每歲冰泮有水鳥千羣容與其上

一在新街 一在煎茶鋪 一在胡哥莊 一在南亳家務 一

在口頭邨 一在徐哥莊 一在堂二鋪 一在信安 一在長

屯 一在策城朱志

淀神祠在州治南太堡邨東西兩淀向無神祠乾隆三十二年奉
敕建立

御製淀神祠碑文 畿南之地廣衍多隰眾水所鍾翁之惇之呀
然成淵而以時輸壑者則惟淀淀之名始見於左思魏都賦所謂
掘鯉之淀是也字亦爲澱水經注新唐書志皆云九十九澱酈道
元又稱爲清河後世約其數爲七十有二其名皆不可臆舉其散
見宋遼金史者今或淤廢或傳聞譌舛所可指者不過四十餘其
他或曰泊曰窪曰窩曰港隨方俗所稱而統言之則東西兩淀西
淀之大周三百餘里概州一縣四東淀尤大周四百里而贏概州
縣七其爲藪澤也廣故畿內之水大則沽滄滹沱派茲易涿小則
山泉澗流無所不容而旁境之溝澮汗岑亦無所不赴其受水多
故兩淀又各有經河以條貫驪導之依城温義亢其首四角引其

吮玉帶會同緣其督扼以茅灣掖以中亭十望絡以南北中三般
飲于臺頭滌于大清河趨西沽爲尾閘之洩焉其上則千里長堤
空界維鞏下則格淀隄以拒子牙六郎諸隄以障永定而牖而涵
洞羅布節宣者無弗具于是雨淀無渾流之患而專清水之利黍
疇稻畦旣膏旣溉厥惟上腴舟航是通懋遷利隧而菰蘆凌蕩鳧
魚之屬仰資生者億計非有宰其化者孰使我民利賴若是記有
之山林川谷爲民取財用皆曰神蓋淀之有神昭昭矣人第習焉
不察廟闕未舉歲丁亥朕敬循

皇祖成憲巡覽淀海爰自趙北口御安福臚沿蘇橋而東歷揚芬
港至于天津嘉文安窪之旣涸懲渾河故道之不可復則有詠而
三灘里淀隄之弗屬者出帑繕之亦爲紹我

祖烈以求民甯維時春水方渙和風習颺烝徒弗勤繫川祇實昭

厥佑爰進大吏詔之曰惟淀滌薄左輔表延且千里理大物博用
阜乂我畿內民曷可弗重以神事其相地飭祠用饗迺發外府金
二萬五千卜度兩淀中庀材經始之閱再募工葺堂庶旣崇輝庖
成列以妥以恪式副彞典大吏復額以明年春葺而落之且以碑
辭請則又釋告之曰惟淀實嘉利我甸人匪今斯今食神之福而
淀左右耆庶婦孺歲時祈報走廟下則自今始神實馮而歆之惟
是母霍母潦母有蓄沴豐殖錫康俾我民其永利利用光我秩祀
有司亦無怠祠事毋弛民功益迓神惠而博淀之利識其詳謹肇
祀也乾隆二十五年

御製淀神祠瞻禮紀事成什 江湖河海各

神司豈淀而無

神莅之向命東西中擇陸

是祠建于東西
兩淀適中之地

今看爽塏處成祠贊

天宣佑靈哉沛行地安瀾福以綬虔奉辨香申慶落康田功頌錫
民釐乾隆三十八年

御製淀神祠瞻禮疊舊作韻 贊

天端藉萬神司兩淀惟資

神祐之舟泛清流通一水岸瞻菴宇到叢祠肅茲三叩精誠達冀
我烝民安樂綬

鳳舸載臨同致敬永陪

福履沐鴻釐

名宦祠

鄉賢祠均在儒學戟門內

朱志

文昌祠一在儒學東 一在燕家務 一在靳家鋪頭 一在文

昌閣在東關

朱志

金龍廟一在採木營 一在高橋朱志

真武廟一在北甕城內 一在煎茶鋪 一在倉上 一在陶家

務 一在沙城 一在口頭邨 一在栲栳圈 一在善來營

一在長屯 一在石城 一在張哥莊 一在辛店 一在柏林

莊 一在信安 一在南孟邨 一在北落店 一在曹家莊

一在策城朱志

玉皇廟一在青口 一在葉家莊 一在康莊 一在文明邨朱志

碧霞元君廟一在葉家莊 一在北毫家務 一在汜河 一在

杜哥莊 一在苑家口 一在長屯 一在煎茶鋪 一在堂二

鋪 一在薛家莊朱志

三官廟一在通濟橋南 一在臨津 一在趙各莊 一在任水

一在桑園 一在辛莊 一在北柏林莊 一在葉家莊 一

在杜哥莊 一在善來營 一在漁津窪 一在康莊 一在鋪

疙疸 一在七間房 朱志

馬神廟在州治西北 朱志

獄神廟在州治內 朱志

藥王廟 一在東關外 一在柳行北 一在堂二鋪 一在狄家

莊 一在太堡莊 一在辛莊 一在策城 一在城南營上邨

相傳前明萬曆初年有道士吳元通者結茅於此以奉孫韋真人

三十四年詔發帑金改建賜額曰普濟藥王行宮四十四年復遣

官增修備極瓌麗州人王遠宜有記 周志 王遠宜霸州城南營

古益津處迤邐南首郡也其城南接至口頭營上邨約地十里餘

蓋隄外汪洋無邊際也邨當琉璃河下流住人野渡橫舟行客駕

航長逝其勝景可概睹矣萬曆初年本邨東有道士吳元通募化

造藥王小宇止一荒臺云耳夫藥聖孫韋真人其生代其封號其
功德其行藏其遠近今古昭昭傳聞宜不敢空談紙墨問誰綜此
廟之修建始末而略記之高公諱進河間府在邱縣人也其人拘

桐質撲有上古君子風其事上也翰躬盡瘁翼翼小心絕無浮靡
緝諫之習歷代來中貴之罕睹者也三十一年四月十八日奉旨
同眾鄭州進香偶值夜雨驟至未免有迷蹤失途之倉皇頃刻金
燈隱隱火光灼灼恍惚間示以通路者眾公初以為人所引而繼
不知燈火何所往乃知為神所示也回奏上聞達諸國母發內帑
遣官初建欽賜普濟藥王行宮三十四年告成玉宇輝煌金碧映
射何異海島金山寶光錯落也耶神通廣大法力元博四十四年
聖躬微恙夢神點化其形神似有攢眉狹小之狀復遣重修增高
三尺五寸前暨碑坊三座後築層樓二間若鉢堂若道舍若鐘樓
井石牆圍樹一時煥然改觀偉哉此行官乎我皇鴻庥無量我州
造福何窮也記遣修官王諱斌本州官家邨人隸桑梓屬豕交於
予宜後學生也不敢辭遂採故老之傳聞備錄之以誌不朽云時
萬曆四十四年歲
在丙辰四月朔

牛王馬王廟在東皋西朱志

三皇廟一在王家莊 一在康莊 一在煎茶鋪朱志

關王廟一在州治西南隅 一在東門外 一在北關 一在李

家胡同 一在鋪疙疸 一在杜哥莊 一在徐哥莊 一在苑

家口 一在長屯 一在採木營 一在任水 一在辛店 一

在撒袋營 一在柏林莊 一在北南邨 一在煎茶鋪 一在

沙窩 一在曹家莊 一在桑園邨 一在田家口 一在康莊

一在七間房 一在陳厨營

朱志

劉河間廟 一在城內 一在煎茶鋪 一在臨津

朱志

岳武穆廟在城東十八里錢家營

朱志

陶州判祠在馬神廟右州判諱譜明嘉靖十七年判州事制行清

苦一塵不染去之日立廟祀之

朱志

吳州判祠在善來營隄上州判諱尙義明隆慶間監築文安大隄

民甚德之

朱志

思功祠在拷棧園去州治八里祀前明兵備副使陸坤錢藻先

是州多水患陸至開拷棧園河以洩之錢復築隄百二十里以

禦渾河之水州人戴德並肖像奉祀兵部尙書王遴有記

朱志

遼霸州築隄建廟暨報功祠記余郡暨文安永清二邑咸在京
 師之南天津之西凡雲朔恒代諸山之由天津入海者必經
 流余郡與二邑而二邑多大陸鉅阜惟余郡最下獨當其衝在
 郡之南為苑家口有前兵憲陸公新開栲栳圈河以洩之矣在
 郡之北有渾河受諸山之水夏秋間洶湧浩蕩三河實不能容
 不南溢文安則北溢余郡不南溢余郡則北溢永清或甚焉即
 郡與邑咸為汗池此皆載之往牘非臆說也萬惡三年春兵憲
 錢公勛兵明刑之暇乃喟然歎曰盜起訟滋今畿輔之重無所
 資藉以民貧故也欲民不貧莫如除水患莫如開河築堤開河
 去其壅塞築堤防其泛濫陸公新開栲栳圈河民甚賴之因事
 事者前茅吾終不忍坐視俾陸公而後無聞也乃慨然上築堤
 之議於兩臺兩臺建之於是布台諸屬余郡守郝公汝松則曰
 此守土者責也奉令惟謹南自祁之山川壇起由栲栳圈臺山
 平曲至胡哥莊而止北自南孟由鋪疙疸張家莊頭五間房採
 木營至青口而止中自康莊由煎茶鋪沙窩甯家口趙哥莊田
 家口蔡園至信安城而止西自菊苑臺由施家莊魏家營牛哥
 莊老堤王家樓至栲栳圈而止役夫計二千名築堤計一百二
 十里卑者增高薄者加厚仍舊制以適水土之宜不創作以起
 紛更之擾撫臺王公念民力匱謹恐不能卒業復下令擇力薄
 而工大者塗給以食計穀二千石民益感奮趨事恐後不三月
 工成及秋水果不為災於是黃髮者數十人詣余僉曰堤工
 既成水即就下人定勝天有如是哉然人事之當修者不止此
 也我國家為民禦災捍患既勤心力矣又必於城隍山川社稷
 入增為廟為壇夫豈漫然無謂者哉地方小民僭援斯義因於

考柁園建護王廟意使水有所司又念朝廷設官亦以爲民而民不能忘者在樂樂利今水不爲災錢公所以樂利民者至也意亦欲於斯地並建錢公報功祠庶明無憾倘於祀典有合願公記之余不佞生於斯長於斯困於斯久矣此固所喜談尤以秋爲望錢公加意於民盤民之急於水患如此固所喜談樂道者敢以下文辭竊聞聖王制祀典惟能禦大災能捍大患則祀之凡以爲民也故大田多稔諸詩周禮荒政十二甘棠之追慕召伯鄭人之歌頌子產匪今斯今振古如茲若等建廟祀神並立祠以志不忘錢公之功禮以義起固祀典所不廢也余又聞堤成之後公尙時時訪求沿革酌量利害思欲復神禹之積俾余郡旣二邑萬世永賴乃已其言曰神禹之治水法在排決疏濬譬之行血脈於人之身通則安滯則病陸公誠得其遺意顧今匪其時耳堤工之成未也嗟乎仁矣遠矣錢公無已之心哉宜乎民之不能忘已雖然良醫之治病也急則治其標緩則治其本無堤則無民矣堤工之成曷可以爲末也請於祀錢公祠內並祀陸公黃髮者成欣欣舉手加額曰可蓋開河治其本也築堤治其標也標本緩急之圖二公有焉民不能忘一耳請紀錢公之言於石以俟於後陸公名坤陝西蘭州人嘉靖乙未進士錢公名濬南直今廢

文安縣

社稷壇在永定門外南偏洪武間建成化年知縣劉籍重修

文安楊志

風雲雷雨山川壇在來薰門外東偏楊志

邑厲壇在拱辰門外東偏楊志

鄉厲壇在各里共四十處今間有廢者楊志

關帝廟一在迎恩門內 一在迎恩門外 一在蘇橋 一在西

馬頭 一在李哥莊 一在勝芳鎮楊志

文昌祠在儒學東楊志

坡隍廟在縣治西洪武年建萬曆年重修楊志

八蜡廟在城內西北隅楊志

增福廟在作新門內楊志

馬神廟在城內西北隅楊志

口文閣在城上東南隅康熙二十七年知縣張朝琮創建楊志

三貞烈祠在縣治東祀烈女董氏烈婦姚氏劉氏教諭郝尙禮撰

文揚志 郝尙禮三貞烈碑記正德庚午歲輔弗端文安一女二
 孟公上其事於朝下詔旌表所司因循未舉嘉靖丁亥巡撫河東
 許公按邑聞其事嘆曰嗟乎三貞值變不汚昭質罔虧嚴霜烈日
 憤憤而死不辱其身死雖弗一求其是而已矣夫死人情所難也
 三氏者獨不愛生何然變當其前虧體辱名雖生猶死故死有所
 不 惟者舍義而後人哀之直其節而不知其為貞為烈而暇於干名哉
 惟悼微殺身而風斯遠故三代以降民多勵節謂非聞風與起者乎
 名之所在而風斯遠故三代以降民多勵節謂非聞風與起者乎
 是故盡其道者存乎常苦其節者存乎變常則人之所同而變則
 惟其所獨然天地之正氣所存也三氏者生窮鄉下邑未聞君子之
 直為潔為不汚皆正氣所存也三氏者生窮鄉下邑未聞君子之
 道而有古人之節非正氣根心而能若是乎故三氏者死猶不死
 也干載而下其又有聞三氏之風而與起者乎按董氏孫氏鎮民
 董成章女被賊獲投井死姚氏孫家務民張文舉妻國子生姚鐘
 女警賊支解死劉氏裴錢妻生員裴瀾母詈賊兵之額破血流被
 面猶警碎其屍嗚呼鉉道靡靈造時艱羣凶逆命汚人妻女劫
 人藏積正氣弗沒二三貞女誓義不辱烈烈而死事雖奏旌弗彰
 於時湮滅不稱世遠恐遺斯足悲矣幸值風司昭彰於石以昌以
 熾永為後則噫人亦不幸而後生於若哉君子曰閭巷之人砥行立
 節非有青雲之士為之表揚惡能施於後三貞亦
 富幸所遇矣敬書此以備他日秉筆者採擇焉

玄帝廟一在拱辰門外邑人王以樾撰文未見

一在狼虎廟鎮太

史李廷機撰文未見 一在左家莊 一在勝芳鎮楊志

火神廟一在拱辰門內順治十年河決水灌門內頽圮無存 一

在迎恩門內 一在勝芳鎮楊志

碧霞宮一在柳河 一在孫氏鎮楊志

五龍堂在永定門外被水衝沒楊志

藥王廟一在迎恩門北 一在柳河 一在勝芳 一在蘇橋河

北 一在三窪邨楊志

劉守真祠一在滄皂邨邢孔陽撰文 一在柳河邑人紀克家撰

文楊志

東嶽廟一在界衛 一在滄崗楊志

龍王廟一在左家莊 一在勝芳鎮 一在付化邨楊志

張相公廟在相公莊即唐工部尚書張仁憲故祠原碑在焉楊志

漢縣令趙夔祠在靳哥莊夔武帝時爲本縣令多異政值時大旱

乃自焚縣人感慕之爲立祠楊志按日下舊聞考趙君廟在近

在縣東北三十里爲文安故城蓋卽縣志所載而分爲二耳近郭靳哥音相近其地正在文安縣東北

文公祠在蘇橋祀宋主簿蘇洵楊志

秦侯生祠在迎恩門外二大士巷右側祀知縣秦世禎詳職官傳

崔侯生祠在迎恩門外二大士巷左側祀知縣崔啟元詳職官傳

大城縣

社稷壇在安阜門外西北一里萬厯二十四年知縣任彥棻重修

大城張志

風雲雷雨山川壇在明遠門外東南一里萬厯二十四年知縣任

彥棻重修張志

邑厲壇在恩光門外周垣久圯萬厯十一年知縣狄同燧修二十

四年知縣任彥菜重修

張志

關帝廟一在縣南城牆下明正德年司禮監太監王廸建 一在

縣城牆北知縣王來聘重修 一為關王廟在縣西十二里王鄉

屯

城隍廟在縣治西北明天順年建宏治癸亥年知縣安佑重修

張志

梁村重修城隍廟碑禮日有其舉之莫敢廢也有其廢之莫敢
舉也是禮也祀之義也明其義可以言祀矣莫敢廢者神之當祀
者也當祀而不祀謂之疎莫敢舉者神之不當祀者也不當祀而
祀謂之苛是在有司加之意耳粵稽城隍之神為地祇之屬其名
肇於古史其用著於周易保障邦土衛捍生民當祀之神莫大於
此故廟祀始於唐達於宋猶未遍之天下迨我太祖混一寰宇適
清祀典天下城隍皆錫之以爵在府曰公在州曰侯在縣曰伯此
定制也大城隍封伯為顯佑舉而祀之其敢廢乎而在邑之觀
音寺東隅殿三楹而兩廡翼焉創建之始莫之能攷重修於天順
元年迄今五十餘載歷歲滋久日就頽頹戶囁垣墉悉皆剝落非
昔人崇祀之意也適交侯來尹茲邑治人事神罔不往念觀廟貌
之陵頽俯祀典之廢弛亟圖以檢新之發官籍以易材植而所費
不給更風邑中士民以助之不勞民力不費民財時以農隙人以
悅俟越三月而告成焉董其役者田信孫鵬皆邑之良也謂廟既

重修當有以記之而問言於余余惟神以鑒人非人不依人以事
神非神不佑人神之理本無二也茲城隍之祀豈徒以擇災禦患
已哉吾聞聰明正直之謂神則福善禍淫實惟城隍之職今此下
民能為善以去惡若神陟降左右而不敢欺則福履無疆垂之子
孫不替神之所佑不既大乎是神道設教耳試觀安侯之仕平舒
有禮樂有司之施於有政無非神道設教耳試觀安侯之仕平舒
也伸節以勵民之行率義以作民之勇彰善以示民之勸輝惡以
示民之懲法制凜然而不可犯真如神明之在上也爾士民能遵
侯之令而守之不渝則可免刑憲之辱悠悠於太平之世是安侯
之錫福於民即域隍之佑之也若曰神可媚而徒務焚修之末後
肆邪僻無所不至是自貽伊戚而已其如神何哉土民其慎之是
工也始於宏治癸亥之冬成於次年甲子之春碑記則鐫於正德
之丁卯也安公諱佑因川嘉定人父子俱登第萬曆九年知縣李
美政之在口碑者不敢漫述其勲名則未艾云

知春重修
張志 王國承重修城隍廟記夫域中有善惡兩途有
積者在焉然而有司其符者有察其幾者有握其權者世之論者
吾或焉一則曰輪迴報應固屬不經一則曰命定不移亦阻人進
修不若易之積善餘慶積不善餘殃書之惠迪吉從逆凶為正若
于公待與於高門殿母掃墓於東海李廣不侯於殺降未邪發跡
於救蟻更僕數未盡又不可謂無其報應也蓋嘗論之善惡在人
心報應在當世子尊在鬼神何也人惟一心心惟一理鬼神亦此
理而已矣為善者不愧於心即不愧於鬼神而與休之理會鬼神
察其善機而降以福為惡者愧於心即愧於鬼神而與咎之理會

鬼神察其惡機而降以禍是善惡者禍福之符而人心則司其符者也人心者善惡之機而鬼神則察其機者也禍福者彰孽之權而鬼神則握其權者是故或厲衷而篤其祐或奪鑿而益其疾或先號而後笑或始吉而終凶或榮瘁止於當年或顯晦延及子孫變化匪一轉移靡定若懸鑑持衡鑄鍊不爽神之於人嚴矣哉余邑坡陞廟建自天順重修於宏正間廟制甚狹東魯任公令余邑愛民以仁事神以敬下車謁廟憫其頽且隘飭工庀材易廟後隙地擴而新之建寢殿三楹閣殿一楹前後兩廡門垣觀音增宏敞焉屬余為記余曰我侯非傲福於神也亦體朝廷彰善之意以襄人治之不逮耳蓋人或可欺而神不容偽寡然易惡遷善而為賢人君子之徒則神之默目也多矣為吾民者果能奉公守法履規蹈矩敦孝弟習仁義不失節昭昭不墜行冥冥顯不干吏議陰不懼鬼責其於皇古之風可崇禎年邑人薛國昌募化重修庶幾乎時萬歷庚子歲也

八蜡廟在城東南里許知縣王來聘重修

張志

馬神廟在分司西明初建知縣趙德光狄同燧重修

張志

龍王廟在縣南沿河十里灣口光緒七年奏准

御賜福額

采訪册

火神廟在城隍廟東北明萬曆年知縣任彥棻重修崇禎年邑人

鄧元諤於廟西增建藥王廟改爲二聖祠 一在真武廟路東張志

真武廟在北關明永樂年建張志

太山行宮一在東關外知縣狄同燿重建 一在北關西里許張志

玉帝廟在縣東南半里唐時建明景泰年知縣崔鐸重建萬曆年

知縣任彥棻增修張志

藥王廟一在北關北明天啟年生員李仲芳經歷劉圖光重修

一在西城八里李北邨張志

東嶽廟在縣北子牙邨張志

金龍四大王廟在縣南四十里李坦邨張志

右軍祠在城西王祥邨金世貴書至以書工拙進退士故北土多

慕右軍立祠祀之張志

保定縣

社稷山川壇在縣城西北保定成志

風雲雷雨壇在縣城南成志

邑厲壇在城北成志

關王廟一在馬神廟東 一在北科成志

城隍廟在縣治西成志

馬神廟在縣治西北成志

八蜡廟在馬神廟北成志

龍王廟一在北隄 一在北科張志

玄帝廟一在北門外 一在路墮成志

東嶽廟在圍河成志

藥王廟在路墮成志

土地祠在城內成志

邑侯呂公祠在北門內祀知縣呂煥字堯文浙之崇德人因築城

功民祠祀之邑人王顯忠作記未錄

成志

張士雅田侯報功祠碑記

報功祠在城內祀知縣田龍古聖王制典惟祭大災則祀

則祀祀豈靡文乎哉凡以司牧者一切文具而無與民瘼之疴痒則

詢民心之好有不容涖藉使惟一切文具而無與民瘼之疴痒則

民有疾首蹙額向隅飲泣已耳又胡為乎祠之報之如茲川侯者

耶侯自巳酉握符政值苗禮之後百物凋耗民生不啻莠華之附

物以故長楚之歌如沸如羹有不幸侯至本之慈祥據以真醉事

而謂人人而撫走馬於荒郊窮谷之中賑救於祲寒暑雨之際保

釐無愛髮膚煦六月瀟嘯肝腸業起溝瘠而祗席之矣越明年辛

亥夏忽焉雲昏白浪幾湧雉堞間侯胃雨拯援且寒且禱頃之陽

侯而東若倉庫城郭公署民宇幸不為池僉侯賜也再明年癸丑

則督築夜則躬巡無分州境雄大東堵西塞夙後露宿者二十五
晝夜雖竟為鄰穴予而不登堤既補堅好類栗孰謂人力非天工
哉嗟嗟霜屬誠澤國義余離年猶憶安瀾乃甲辰後天吳降災決
瓠子吞桑田乃問歲而然至城復於隍不辨牛馬若慕名狀矣往
司土者卽事春鏞亦購完直防役耳侯獨鑒民命攸圖善令附近
挨丁負薪捧土增卑倍薄視往昔庭也今且設防夫給工食從
今樂利之休侯其惠之是功德之及民者如此所謂禦大災捍大
患非耶民安得不祠之報之為也若夫嚴使胥禁勾攝革公出夫

馬杜徵輸火耗尤彈丸黑子稠寬一分受賜一分者以故五年之內百姓晏然四竟甯謐如登春臺而躋壽域奈倏然而去也民安得不不祠之報之為也禍成問言於余余固慨然而感懷焉以今天下之民生憔悴極矣所賴休養生全者在有司之賢盡田侯若則海宇立躋綦隆無疑不謂晚近風微俾幽貞者卒難表見拙守與巧宦遂隔九閭侯是以浩然而掛冠也惜哉瀕行男婦號泣絡繹擁攀至輟耕罷市泣送境外是又可以徵公道之在人心云侯諱龍別號雲衢山西五臺縣人甲寅既望

薊州

社稷壇在城西北三里薊州沈志

風雲雷雨山川城隍壇在城南三里沈志

先農壇在城東六里園房莊東今止存壇址沈志

厲壇在城北三里沈志

八蜡廟在城東北四里地名四方臺沈志

文昌廟在文化街嘉慶二年州牧張顏重修沈志

城隍廟在城西北隅康熙二十八年直隸巡撫于成龍建西為土

地祠東真官祠乾隆十五年州牧誇略重修志

奎星樓在州治東南文化街乾隆七年州牧錢孫振建基至乾隆

十五年州牧誇略修竣上建重樓為奎星像俗名曰新鼓樓志

火神廟在城隍廟東志

武廟在薊州衛署左沈志成憲重修武廟記薊州衛舊有旗臺

駕以牲帛致祭蓋舊章也嘉靖間衛改為薊州兵備道又改為總

督軍門總督徒鎮檀州復改為道而廟附如故於義無富且廟庭

而向而門東向觀者病之萬惡辛丑總督杜公奉命來餉薊州兵

備時公方自海上拔旅而還展謁廟庭既而言曰薊州左輔重鎮

夫非用武之地乎旗幟之神實相厥武而廟貌未稱如委何因

謀之督儲司徒大夫齊公安所得善地而遷之胥曰倉之東有隙

地一區士燥而剛位正而方以受以伯宜無不滅又進文武官

而諭之日力說而舉羸濯以煩吾民也吾捐吾俸以佐之眾唯唯

受命惟謹於是鳩工戒徒捐穀舉事舍其舊制廓以新規模度盡

動斷虔盡智塗暨盡良丹至盡賁第興序施底於純備正殿兩廡

巍然改觀而又限之重門練以周垣深嚴邃密周敢狎睨且前臨

萬井之通衢後倚百雉之崇堞體勢雄峻如靈旗盪空萬騎自天

而下也又如百靈咸集煙雲拱護而神爽赫奕也猗與盛哉前此

所未觀已舉工於萬曆壬寅二月訖工於五月是役也公捐貲一

百一十兩有奇都守鍾君捐貲六十兩有奇工徒經費咸取辦於此民不
 總馬監暨各衛官捐貲六十兩有奇工徒經費咸取辦於此民不
 知有勞且賈也既落成徵子為記以詔來者今按旗纛正殿設軍
 牙六森神牌仍肖昭烈武成王像南向旁有四配有神青龍朱雀
 從祀諸名將略倣文廟之制故亦名武廟焉稽之載籍青龍朱雀
 白虎玄武見於曲禮詩註亦謂鳥隼曰鷹蛇曰龍揚子曰所謂
 龍虎鳥龜是已此皆四方之星取其形似而盡於箕森之上以象
 天而示武故必有神以主之而昭烈武成王而下諸名將莫不有
 謀而定霸之略勤亂禦侮之功義烈震於兩間英聲流於百代則
 萃而祀之武廟以為崇報之地且以作忠義而倡勇取亦禮之以
 義起者也或乃謂王制天子將出征受成於學執有罪反釋奠於
 學以訊厥吉魯頌云既作泮宮淮夷攸服見文武之道合而為一
 者也今祀旗纛而並祀請名將為武廟若岐文武為二塗於禮顧
 弗侔乎此固一說然神無不在禮有攸重文廟通於天下武祀專
 於軍衛各有取爾也矧歷代名臣特以其武功獨盛於天下武祀專
 問身部將相才兼文武尉者定郭清之功而亦不廢詩書禮樂之
 訓或稱人材殊絕或稱輔佐獨優輕裘綬帶左右圖書請如此類
 未易縷指是專祠以武目之乎謹以從祀孔庭宜無不可者特其
 武功獨盛祀之專祠以為司軍旅者之矚鑒耳非以其無文而別
 記之也故祀旂纛所以象天而示武祀名賢所以事神而名教其
 取義甚大然則公之懷去廟貌享祀明靈豈徒以從祀儀
 章錄一時之觀聽乎哉余樂觀厥成遂不辭而為之記

馬神廟在城隍廟西久廢無存今建於州署西漁陽驛內
 沈

關帝廟一在南門甕城 一在火藥局之西俗曰小關帝廟 一

在北城根下日上關帝廟 一在武定街曰下關帝廟 一在州

東五里碑 一在州北崆峒山上 一在州東七里峯 一在州

東十二里毛家莊 一在州東三十里窰鋪莊 一在州西三十

十里邦均店 一在州西六里刀剪營 一在州南二十五里鄭

家套 一在州東南三十里別山店 一在州南四十里柳子口

一在州南四十里臺頭莊 一在州南二十五里張家莊 一

在州南十里營城莊 一在州南五十里馬龍港 一在州東南

三十五里下李家莊 一在州北四十里下營

沈志

藥王廟一在城隍廟西南 一在州東三十五里峯山莊 一在

州東十里黃土坡 一在州東五十里三岔口 一在州西二十

五里牛頭山 一在州西三十里邦均店 一在州西五十里段

家嶺 一在州西南四十八里公樂店 一在州南四十里城子

口 一在州南三十里上倉店 一在州西南六十里西屯沈志

東嶽天齊廟一在州西三十里邦均店 一在州東南十里翠屏

山 一在州南六十里下倉店 一在州東南五十里胡家樓

一在州南四十里臺頭莊 一在東門甕城內今坍塌無存沈志

玄帝廟在北城下俗稱真武廟東栢樹二株鐵幹虬枝似數百年

物沈志

倉神廟在倉大門外之東沈志

土地祠在州署大門內東偏沈志

獄神廟在監內沈志

張大明王廟在州署東北隅即預備倉舊址舊縣志載張大明王

河神也因漕運通薊康熙三十四年州牧張朝琮創建沈志

公翰廟在天寶觀西

沈志

真武廟一在州東二十五里壕門 一在州東二十五里上捻頭

一在州東二十五里下捻頭 一在州東十六里張家店 一

在州東二十里東馬房莊 一在州東三十八里八百戶 一在

州西三十里邦均店 一在東南五十里枯樹莊 一在州北五

十里黃崖關 一在州北四十里下營 一在州北五十里車道

峪 一在州東南五十二里蒙家圈

沈志

玉皇廟一在州東五十里黃花山上 一在州南四十里王新莊

一在州北四里崆峒山上

沈志

天仙宮一在西門外 一在州東南三十里別山店 一在州西

十里五名山

沈志

竈君廟在西門外

沈志

鄒公祠堂記在城內祀巡撫鄒時敏沈志人出而濟世於有道孰不欲

立功當時垂名天壤然而造物常若有靳焉不可必得也比常裂

志於功名者視斯民之痼痲切於一體憂勤而愛深朝警而夕令

悉心所事然不知人情勞於下怨譏於身功不立名不修矣又

有人扶樹善良而竟不為縱摧折奸暴而猛不為苛令行而人愛

之政下而人頌之然感不一時忘不旋踵愛於目前而不必於去

後須於一時而不必於百年功不傳名不永矣若乃以國家人愛

為已任禦災捍患為所當為史書其業人仰其德而功名烜赫乎

一世再世數十世百世而無疑蓋百不一見焉於此見造物者之

於人豈苟然而已哉都察院左副都御史鄒公時敏嘗巡撫蕪州

禾平山海等處去今三十載而公之即世又已久矣將劉君輔等

為作祠堂以祀之而徵言於予嗚呼公何以得此於人哉邊庭失守騷

動錫氓習者謀疏強者勇縮時或難之而公獨以忠義自許騰鄒

鯤鵬之力振揚山岳之感出奇策實倉庫舉將才安要害固城垣

精器械以禦禦使掠安輯羣生而朝廷倚重之如左右臂富是時

公之德望殆不愧所謂社稷臣安得而忘諸况獎善嫉惡進賢退

不肯足以勉人而屬俗實又有不可泯者傳以有功於民則祀之

以報公在當時其有功於人如此然則作當而祀之以報公之功

夫誰曰不可而公之芳聲合閩赫赫在人耳目者茲亦百世不朽

哉如前所云造物者其殆獨厚於公是故不可不書也公諱來學

時敏其字麻城人以春秋登宣德癸丑進士第入後又增祀閩本

官操履之詳則有先翰林學士蕭公滋誌茲不著

楊瑤 沈志 閩公 村祠 室記 都憲 開公 登景 泰甲 戌進 士歷 戶部

允每歲遮洋糧道至薊故事總理薊州等處糧儲操履冰葉出納平

周密動必有則一切宿弊搜剔殆盡人以為神會巡撫缺員禮部

侍郎鄒公幹適以賑濟至督德鎮東南伯焦公壽交章論薦上允

其請特擢都察院右僉都御史巡撫順永二府地方兼整飭邊備

公激濁揚清強扶弱賑貧乏絕申理冤抑得巡撫風紀之體防

禦要冲修理城池操練軍馬鋒利器械得整飭邊禦之方且不避

權要時則有若中貴人據津為利莫敢誰何公實之於法仍不避

為梁以便行旅總兵書舞文害人事覺即於府中掩捕治之其剛

正如此是以貪婪者聞風解官奉使者入境斂迹且樂於造就人

才作與學校以故口碑載道聲譽日隆進右副都御史兼治正定

六府公不自滿假益修職業顧骨鯁不羣多忤權貴不容於時乃

引身求退賜允之日喜見顏色軍民遮道留之揮淚成霖如失父

母既歸以田園自樂若將終身焉久之戶部缺右侍郎吏部首舉

公閱月餘會推公總督軍餉於西陲既往則調度有方饋運不乏

西北之人比之蕭何事竣同部得疾而卒薊之巡撫之賢者自無

若三公者可謂齊驅並駕矣跡其為政無非以去民災除民害為

心皆有功烈於民者也傳曰非此類也不在祀典然鄒公之有祠

久矣惟公與楊無祠以祠誠為祀典適公之知人順天府通判花

君澤按部於薊予以是告之范君曰諾吾當為之值歲凶未暇也

但奉二公神主附入鄒公之祠懇徵予言以為之記子惟嚴子陵

生於范文正公千載之上文正立祠於釣臺以祀之諸葛武侯生

於萬提舉八百年之前提舉立祠於衡陽之石鼓以祀之豈徒崇其德報其功而已哉蓋以高節清風能感人於百世之下故表之名教樹之風聲使人目擊而耳聞心感而神悟自不知其所以然者况公去蜀未四十年功烈在人猶有不忘者其感人又當何如哉范君之祠祠良有以也然先生之祠即子陵武侯之祠范君之心即文正提舉之心所以報功崇德之地豈徒然哉聞公名本字宗源陝西邠州人楊公名睿字叔幾南直無錫縣人記楊及閻使後人知所始也知公名氏功德已載請大學士劉公羽祠堂記在著不

景忠祠在馬伸橋祀前御史吳公可讀可讀甘肅皋蘭縣人咸豐三年進士由部曹官御史劾悍帥觸忤失官

皇上嗣位起為吏部文選司主事己卯歲

毅皇帝奉安山陵可讀送

梓宮往禮畢仰藥於馬伸橋道觀蓋光緒五年閏三月初五日也遺疏一通詩二章遺書屬知薊州劉枝彥呈總督府尹達吏部代奏府尹周家楣咨部以

聞

三宮震悼

詔贈公道銜照道員例

賜卹

命國史館立傳大學士直隸總督李鴻章奏建祠薊州

詔允之

采訪冊 劉枝彥吳柳堂先生祠堂碑記光緒五年己卯

陵禮成越九日郡東馬伸橋地保報稱鎮之三義廟有闕差京員

於西廂屋內仰藥死無俟從有遺刺詰且詣視則衣冠整肅正身

瞑目前御史吳柳堂先生也先生名可讀甘肅皋蘭縣人進士

官御史以言事失官復起為吏部主事閏三月五日正命遺有密

摺由順天府尹達吏部疏入以論繼統事下廷議尋有以死建

言孤忠可憫之諭遂以五品例賜卹蔭其一子其由都來東

也以天官屬自請與行禮役隻身赴薊做屋茲寺畫則踴步原野

夜則據案作書如是旬餘疏成而先生之命畢矣先生初擬自經

預製白綾一束題云 九重 懿德雙慈聖千古忠魂一

聲呼廟祝手授遺囑令毋恐有函以身後事託州主數語後卽舍

糊不可辨就榻而傾嗚呼悲已覽其遺書所以託杖彥及戒寺中

道士與其所以告家人者從容詳密措置一語不亂尤倦倦於埋
 骨薊土謂出薊境一步即非死所其遺句云欲問孤臣戀恩所五
 更風雨薊門東道其志也枝彥既理其殯事即函告先生家人促
 之來是月十三日先生子之桓始至蓋先生出都時給家人以差
 後送盤山之桓以先生久未歸入山迷之致遲數日是又先生恐
 家人早來將誤大事嗚呼尤可悲已其間信先至者為先生門下
 士鍾是卿持有翰林院侍講張君佩綸戶部主事秦君霖熙公函
 鴛勸之親宜謹遵先志遂卜兆於三義廟東一里之原以十月初
 三日下窆葬之日士紳赴弔不期而集於是郡人李孝廉汾等說
 於眾曰先生效史魚之尸諫從先帝於九原賢為木朝
 二百年來所僅見不可無祠宇以妥其靈乃白枝彥陳大吏聞請
 朝得報可遂為祠於寺東偏距先生之墓里許北近
 陵岡巒在望先生之靈庶幾其式憑焉 國家容納忠言褒卹優
 渥不惟其身且及其子更幸先生生逢 盛世雖死得遂其志
 為足不朽也先生為進士時文名與塾屋路太史德相埒居諫垣
 直聲震天下枝彥一官袍繫未獲從先生遊然先生為國捐軀首
 運大議臨命從容志慮深遠而又處身以儉調子以孝皆枝彥所
 親見而探知者足為後賢表式薊人之感慨奮發宜也至其遺疏
 所陳見之 聖訓教之 國史傳之天下後世非小臣所敢
 與聞而其家傳年譜以及詩文奏議自有當代賢士大夫纂而述
 之又非枝彥所敢任今謹揭其死事始末勒石祠中以告來者光緒七年八月

平谷縣

社稷壇在城外西北洪武七年建

平谷朱志

風雲雷雨山川壇在城外西北洪武七年建

朱志

邑馬壇在城外正北洪武七年建

朱志

軒轅黃帝廟在縣北漁子山

朱志

關帝廟在縣西門襄城內元至正年建成化六年重修

朱志

城隍廟在縣治北洪武年間建嘉靖二十年重修

朱志

東嶽廟在縣西門外洪武年間建正統十年縣丞張鐸修成化十

年邑人景鐸修

朱志 金純東嶽行祠記平谷縣治西一里有東嶽行祠石鼎所載重修于勝國至元三年不知

創自何許

口口口口廟宇祠觀有益於民者罷民崇祀故邑有東嶽廟歲時

水旱癘疫成祈禱之神亦肆其威靈屢祈屢應每春夏之會俗傳

為天齊聖誕四鄉之人爭持牲禮享賽于庭復為迎神之舉歷世

相沿率為故事永樂初口口作亂祠毀于兵存者無幾正統甲子

河東張君鐸來丞于茲首倡士民復興與舊址門堂殿廡百爾粗作

迨成化甲午營州中屯衛舍人景鐸乃謀于眾曰嶽祠為吾邑具

居暇食惟神之庇蓋謀所以新大之可乎于是遐邇翕助得金若
 干萬得召匠命工紅材與石雖三尺童子願輸其勞鳩倂至落成
 凡十萬月增中之殿為三間以居天齊殿之左翼一間以居炳靈
 右翼一間以居府君東之堂三間則為三義廟堂之西三間則為
 聖母殿裏鐘鳴鼓有樓有袍練以垣墻蔽以三門翬飛鼓翼丹碧
 交輝工雖十倍于前政之者實二尹之功承之者則舍人之力也
 祠成景君出資具石將誌其顛末以傳未幾鳳世事竟廢息垂三
 十年景之孫有名源者撫其故石惻然以痛曰吾祖之度奉于神
 久矣今祠成而厥功弗紀數傳之後不幾于泯矣乎即出己金
 募人緣命工礧石以畢先志微予為記子惟五歲在天地間依形
 而立乘氣而行欲為眾山之宗岱又諸嶽之宗也考之祀典天子
 祭天下名山諸侯祭境內山川東嶽太山之有祠宜矣而古今祠
 祭禮各不同嶽者地祇也祭之以壇壝而不屋其牲弊祝號則視
 三公舜之望于山川是已後世此義不傳自拓跋總立一廟于桑
 乾水之陰遼唐復各立一廟于五嶽之麓以及趙宋之衰而東嶽
 行祠獨天下矣既漸之又一王之既王之又像之地祇而肖像若人
 考古創今一洗前朝之厄而加以泰山之封其示萬世法程至明
 也凡所在城邑猶往往祠之者何歟按公羊傳云泰山之雲膚寸
 雨合不崇朝而遍天下其潤物之功如此則天下所以尊崇而報
 祀之者非逸也宜也況祭法百曰能禦大災則祀之能捍大患則
 祀之今百靈森布韓異為祥甯不重可祀邪是祠成下以禳災消
 變為民禱福土以祈天永命為口口口口者此固張丞之志景舍
 之心也若源者又可謂率修厥德肯構肯堂者
 矣是不可以嘉尚之故庸書此以誌其梗概

眞武廟在縣北城上

朱志

火神廟在縣南門外

朱志

崔府君廟在縣東北橋頭營

朱志

龍王廟在縣南寺渠莊

朱志

馬神廟在縣治西

朱志

華陽吳祖椿校

地理志七

光緒順天府志二十五

寺觀

江陰穆荃孫纂

幽冀象教始於元魏盛於隋唐遼金元明又復崇尚一時上行下效大瑞巨室爭出金錢布施以爲邀福之計琳宮紺塔崇隆畿甸而況田盤峙其東大房東其西山谷幽渺縹流翕香靈跡旣著名緣遂深仰瞻招提倍思禪悅近今民力彫敝修築之風亦少衰矣爰考其締構類其事蹟以爲此篇增都城伽藍之後亦鏡古者之所資也志寺觀

良鄉

天王寺在縣治東南

寺舊爲僧會司

良鄉楊志

宏恩寺在縣西南二十里大道旁

寺為明萬厯壬寅御馬監太監楊君用建

舊聞考一百三十三
楊志云天啟中建

後神宮監太監趙良御馬監太監盧永壽張然重修規制宏

做為邑中第一大刹庚戌賜佛大藏經及諸品佛經

据王舜鼎
去思寺碑

寺外古木成林綿亘里許夏日濃陰夾道行人至此煩暑為之

頓消

良鄉
楊志

康熙五十七年重修乾隆時燬於火奉

旨修復

舊聞
考

有慶寺在縣南郊勞臺西

寺於乾隆二十五年建

舊聞考一
百三十三

壽因寺在縣北三里許塔灣邨

明萬厯中僧人體空建原名十方院

國朝康熙五十一年莊親王隨

駕過此重修迺易今名有碑在寺內院宇清幽花木繁盛往來使

者多駐節於此

夏鄉楊志

恩惠寺在燕谷店西石路旁

寺建於明後有藏經閣係明時頒發

夏鄉楊志

固安

法華寺在縣口二十五里白堊

遼重熙間建有碑記

固安陳志

龍泉寺在縣東十八里知子營

遼統和十年建元至正間重修有碑記

固安陳志

慶圓寺在縣南二十里新務

元皇慶元年建有湛然同寂碑銘

固安陳志

慧峰寺在縣南五十里林城邨

寺遼大安七年建王鼎作記明崇禎二年重修進士葛逢夏有

記固安
陳志

石佛寺在縣東二十里永定河德義鄉

康熙間河水漲溢漂流石佛像九尊止于是邇眾異之構殿祀

焉累著靈蹟今佛像每逢陰雨則通身皆潤若遍體如汗滴則

天必大雨固安
陳志

永清

三塔寺在城外東南隅

一名會福寺唐刹也上林彙考宋之問題會福塔院詩如湧

金輪日盡造浮圖近紫霄芙蓉仙苑禮羣像海天遙奉

願祥歸聖朝周聖厯二年二月八日武隆縣令聞生元相造為

金輪聖神武皇帝造四面象并浮圖一所永清旁有明王象雲

撰碑明萬厯十一年重修有張惟誠撰修寺碑記據萬厯重修

會福禪林記

龍泉寺在縣西北十五里辛窰邨

一名龍演寺唐時所建西阡爲白石塔約高七八丈隆起半空其基四面雕鏤綺栱交螭瑣紋極爲工緻上共十三層簷角風鈴猶有存者年月磨滅未識何代始也

舊聞考一百二十三

隆慶寺在縣西十三里又口

寺本名遵北建于遼天祚乾統九年明改寺名萬麻十七年重修有張惟誠撰修寺碑記

據萬麻重修隆慶寺碑

舊有香爐石基在殿乾

統中所立今已無矣

永清周志

又中又口隆興寺遼開泰三年建塔

於此今塔已廢惟有白石香爐高廣尺許形製古樸篆文漶漫不可辨有明萬麻十年御史傅好禮撰碑記

寺院册

龍泉寺在縣東南五十里信安鎮

遼太康時王孝子若汴施地建金天眷元年比丘去慶與其徒再建法堂一座中繪毘盧四智佛象兩邊十六高僧大定二年

敕賜號曰普照禪寺有侯邦達撰碑記三年庚辰立

據大定普照禪院碑

記明天順五年比邱行奎重修有趙昂重修碑記一後殿有心

經半截殘碑首書奉為燕國范陽王唐時物也碑嵌入壁間寺

東有井出甘泉可供十方之眾院內果樹一百餘株濃綠灑漉

蔥蔥鬱鬱鎮又有萬彙寺有正德十二年御馬監太監張忠鑄

銅鐘一上鑄三十五佛名下鏡般若密多經又順治口年修寺

碑一劉瀾撰文

永清周志

保安禪寺在縣南南辛溜

寺建於明宣德初寺僧覺昂創始也有成化十八年壬寅修寺

碑記久之淪入地中康熙四十年縣人重修掘地得之重立於

殿東龜趺之上迄今吾輩猶存寺內有宋燕山府永清縣景隆

鄉新留里王士宗建幢上刻智炬如來心破地獄真言宣和七

年立又金中都大興府永清縣景隆鄉張口口建幢刻陀羅尼

經呪明昌三年立又有明嘉靖四十四年碑記永清周志

玉皇閣在縣南廳各莊

閣為宋真宗時舊菴龐公某置腴地五十畝龐各莊因龐公得

名也據萬曆修玉皇閣碑有碑五尺餘卧土中字跡漫滅惟慶字完好

前人以為宋碑又有萬曆三十七年修建碑記永清周志

東安

定覺寺在縣西北五十里常道鄉

寺建於唐垂拱三年并賜額五代時燬於兵遼天慶間承直郎

張鈇復為建立至金天會三年成正隆間韓承彥重修大定元

年奉直大夫楊俊卿復新之又有古營寺金明昌五年建圍城

寺明昌六年建俱有碑存舊聞考一百二十六今古營圍城二寺已廢寺院

崇國寺在縣西北四十里僧法頭邨

金天會五年建有碑

東安李志

甯國寺在縣西北五十里留犢邨

金大定三年邑人曹瑛建有碑

東安李志

廣善寺在徐邨里固城莊

寺即唐之靈應寺明洪武元年太監何至淵重建有碑景泰三年立寺內有浮圖一夕風雨中頂忽飛去今殘塔半枝湧出林

表盤野鶴於空中迴倒影於天際誠佳景也

東安李志

興勝寺在縣西北三十五里順民屯

寺金時建

東安李志

靈巖寺在鳳河南

金大定五年僧供寶建

舊開考一百二十六

淨安寺在固城里惠化鄉

寺明宣德三年太監張盛建正統四年賜額有碑

東安李志

香河

隆安寺在縣治東

俗名東大寺建自元時

香河劉志明

明宣德間僧福海欲修之不果成

化三年僧戒明始修之有成化十二年禮部郎中直文淵閣

西倪讓撰碑立碑時戒明嘗聞寺背有一龜跌湮沒無訪跡焉

主僧每自詣聖前虔誠懇祝以龜跌請禱一日羣兒戲于寺前

忽一兒見之淺土中入寺走報迷命工廣穴引出土眾聚觀無

不駭異咸曰主僧虔誠所致云

據重修隆安寺記

國朝順治五年僧性慧重修寺有靈塔塔廢僅存銘石高四五尺

計八角潤徑尺元時僧定仁塔也

舊聞考一百十八

隆興寺在縣治西

俗名西大寺亦建自元時有塔高十丈舊名孫百萬寶塔

香河劉志

寺既頽廢塔亦圯明嘉靖間僅存遺址至萬厯四十年知縣徐

一鳴壘石高之亦為文筆峯

舊聞考一百十八

並修寺有邑教諭馬如

龍撰碑記後又頽毀

國朝康熙八年邱文科等重修

香河劉志

鐵佛寺在縣東南十六里

寺舊有鐵佛像高丈餘元至正中佛見夢於僧曰吾緣法不當

住此將辭汝去僧以鐵鑊鑊佛臂一夕竟移去東光寺獨所鑊

臂存至今為寺供養

燕山叢錄

棲隱寺在縣南三十里

寺係遼時建內有康熙六十一年住持僧德意重修碑記寺有
香城塔高五丈餘亦遼時與寺同建者

香河劉志

通州

佑勝教寺在州治西北隅

寺內有浮圖十三層高二百八十尺下作蓮華臺座高百二十

尺周圍百四尺虛中以祀佛

名勝志

宇文周時所建唐貞觀中尉

遲敬德修元大德間都哩都爾蘇再修

景物略

按原作篤列圖述今從舊聞攷譯改

明成化十二年文珍李昇等又修上有鐵矢舊以爲金將楊彥

升所射

國朝華亭朱溶攀躋絕頂往視其跡謂循塔極而下分爲觚者八

當觚處建瓴甃若鴟吻其上以其高危易墜也隱以鐵柱拄持

瓴甃內歲久剝落鐵柱出遂謂若矢耳順治間塔益圯毀眾莫

能治久之一老僧來曰遲我耶故明時有語我者緣乃今至矣
送始以康熙庚戌正月而訖功於是年之十月約共費二千金
又以餘力並塔築廊室蔭學道者又治銅爲鐸周塔上下聲可
聽或風大作疾霆甚雨駭電則鐸聲益奮聞者咸心動震怛云
朱泐然燈佛舍利塔記 同治六年邑人王均瑞等重修并添建紫雲宮州通志

靖嘉寺在州治東

原名慈恩寺俗呼大寺元至正二年建明初置僧正司於內正
統十年賜敕一道藏經一函天順二年敕名靖嘉宏治十年燬
州人王鑿等重建至正德十年僧正文端竣工知州藍晟撰記
萬厯末盡圯州人楊宗仁募建州紳劉廷諫撰記

國朝順治七年州人田大祿於寺建寶莊嚴閣造滲金銅塔工未

成歿康熙九年大祿子永隆出貲竣工州人康政譏記通州高志

靖安寺在州治東

金大定十三年建明洪武間修萬厯十年僧妙來重修州人劉

效祖撰記通州高志

寶通寺在州新城南門外

明天順七年內監張文鋒建敕賜額名寶通禮部尙書姚夔撰

記成化五年戶部尙書薛遠撰碑

國朝順治間內監劉應詔等重修通州高志

立禪庵在張家灣

卽唐淨業院大麻中所建明宣德三年因趾重建改名淨業寺

嘉靖中僧時寶募修陸光祖撰記今名立禪庵通州高志

法華寺在州新城西北

明萬厯間建

國朝康熙四十六年僧愍凡重修州人馬士璿撰記年久漸圯咸豐九年僧空秀募化重修時厯十年煥然改觀改名法華禪林

通州高志

三河

萬壽寺在縣署

寺建自

國朝舊有延福寺

元崇國寺碑陰

蓮宮寺元普安禪師建

道園學古錄

今久廢

武清

隆興寺在縣治南

建自明洪武中康熙辛巳僧祖洪修有宛平趙東旭撰碑

寺院册

法昌寺在縣治東北

明永樂十八年建武清吳志

寶坻

大覺寺在縣東

舊為下管院遼重熙時老僧洪源建彌陀佛舍天慶六年建毘盧殿尋更為十方院其後又建彌陀殿與兩廡及藏經之所內經一藏漆函金飾工制瑰瑋刻毘盧壇覆以毳毼珠纓寶幟文采燦然又建東堂及鐘樓開圜鑿井甃垣一周有金張瓊撰寺記寺有大鐘亦遼時物舊聞考一百十三

廣濟寺在縣西街

遵僧宏性及門人道廣創建結構精巧其中三大士暨環侍諸天神貌一一奇古不類近代裝或曰乃劉元所改塑也有遵碑二一銀青榮祿大夫檢校司徒宋璋佛殿記太平五年立今尙

存一重熙五年立年號猶標記於碑旁蓋卽一碑而上下連書者後斷其半碑下尙餘字蹟寸許殿後爲寶祥閣高數十尺凭

闕遠眺崆峒諸山歷歷在目

寶坻洪志

洪福寺在平政橋

亦古刹高閣峻嶒虬松遶蔭渠水經其前新秋澄霽一望蔥然

寶坻洪志

朝霞寺在縣西五里

寺創于明時有臺高二丈餘上爲準提殿相傳日將出先有光

射於殿角日沒亦然

寶坻洪志

甯河

霧臺寺在縣西南蘆家務

昔傳寺在河西居人邨落在河之東拜往跋涉邨中有一老嫗

每日渡河虔禱前後四十餘年不倦忽一日濛霧四塞杳冥晝晦但聞半空風濤聲居民盡駭睛明視之寺已歸然河東矣故

名甯河
關志

鐵神廟在縣南劉家河

相傳昔有老翁夢神降於室曰我海神也當爲我築宮其人不解所謂早起往來河泚見有鐵像端坐水涯始悟神語因徧告鄉人謀建廟宇然未識神之憑依何所也遂請於神以索擡之期索斷處卽爲廟之基左右環走至劉家河西首而索四裂於是卜吉成之往禱亦輒驗云甯河關志

魚骨廟在縣洽南神塘

地近海當年有巨魚浮岸上其骨大且多土人因取之修一廟其楸椽枋椽俱用魚骨爲之甯河關志

昌平

昭聖寺在州西北

唐乾符六年建明正統十三年奉敕重修昌平吳志寺有廣大圓滿

大悲心陀羅尼幢一開元中三藏沙門不空奉詔譯劉詔書開

考一百三十五又州東北有聖壽教寺亦乾符六年建昌平吳志

龍泉寺在芹城郝龍潭之上

寺唐天祐中造芹城有龍潭大逾九畝寺名所由起也舍利寶

塔亦同時所造又有海雲國師及大慶壽尊宿塔據龍泉寺石刻明宣

德間嘉興大長公主偕駙馬都尉濟延修之又建望景軒成化

三年十月釋道深撰碑黃岡雜志

九聖寺在州治東

遼乾統五年建昌平吳志

法華寺在州東北銀山鐵壁之麓

寺即大延聖寺金天會三年建明正統十二年重修領七十二

庵為唐鄧隱峰藏修之所又有鐵壁寺大萬聖寺土人評為張

開寺昌平吳志

昭化寺在州南玉泉山

寺不知創於何時在玉泉山之麓寺踞山半泉流潏潏繞石有

聲夾道松陰撲人涼翠游人題詠叢雜壁間疑非塵境寺院冊

奉福寺在州西北湯峪川

金永安年間建按金無永安年號係永安之誤元至正初奉敕重修昌平吳志

流沙寺在鞏華城北門外

元皇慶年間建昌平吳志

聖恩寺在崔邨

明正統三年建四年落成賜額聖恩禪寺翰林院編修劉昇撰

碑記木葉山花記其地四山環寺東至大獨山南至南阿坡西至釣

魚坡北至將軍陀龍象莊嚴鐘唄清朗一邑中勝概也昌平宋志

瑞光寺在州治後巷

寺明成化十年奉敕建昌平吳志

元福觀在州南迴龍店

宏治十七年建俗評迴龍觀昌平水記

呂真人祠在州城西大街

明陳洪範建有明尚書董其昌撰碑昌平吳志明董其昌呂

德意以為清靜所宗己而觀真諦所載類所主在忠孝節義清

靜其寓境也若呂真人於東溟陳大將軍有可異者將軍兒時

遇道者眼光射人熱視公曰孺子勉之異日統數百萬衆為

國家干城幸自愛髮未燥即喜習尚父司馬兵法以報國自矢

己未春會違左四路進師公當後勁失利被創墮馬僵臥草中

見兒時所遇道者相慰勞云救爾者至矣忽聞馬蹄聲數百遂

以馬乘將軍疾馳而歸始信真人記蒞不虛耳將軍念真人與
有夙緣節鉞所至必為立祠紅螺固其家山至若在甘肅則祠
之在石城又祠之在招賢又祠之迨荅昌平鎮度鈴閣左右購
隙地建堂三楹丙舍為丹室崇門達庑視諸祠尤雄麗惜將軍
未遇早遂其談笑封侯之意然隨在必著壯猷與威大將軍後
先伯仲將軍祠曰公之意政未可量也我鄉本一禪院亦有回
先生靈蹟近遺吾友仲醜葉一瓢施濟不竭茲將歸將從詢此
一段奇事適將軍墓石索子言遂書所遇真人始末歸之公諱
洪範字九疇別號東嶺祠始於癸卯秋成於甲辰之夏云

上方寺在駐蹕山

寺在山上十八盤南為仙人陀又一上方寺在州南口寺院册

白瀑寺在鎮邊城

寺不知何時所創造寺中畫壁碑志皆金大定年物舊聞考一百三十五

馬中錫白瀑寺詩白雲深處萬重山寺在雲山杏菴間四壁
丹青國梅會斷碑文字記完顏唄餘盤石僧初會齋罷生臺鳥
未道世上紅塵應不又有德勝寺在德勝泉上相傳以為唐刹
到正宜長日掩柴關

昌平
吳志

香巖寺在永豐鎮

寺舊名彌勒院

本朝康熙五十九年重建改今名一統志

密雲

大安寺在縣東五十里

北齊天保五年建金承安四年重修舊名白猿院密雲志

龍興寺在縣治北

寺相傳為唐鄂國公尉遲敬德所造明趙昂重修龍興金寺碑金大安中元

大德中屢次修治明成化十七年總兵王榮重修嘉靖元年又

修俗名錐塔寺有明翰林院編修趙昂碑記密雲志又有清修寺

在渤海寨亦云唐鄂國公建密雲志

卧佛寺在青銅山下

唐建明嘉靖中重修又有聖德寺在羊山莊聖壽寺在黃家莊

均唐時舊址

密雲
丁志

治山上寺下寺在縣東北

兩寺並遼重熙中建

密雲
丁志

清都觀在縣西北清都山

金大安二年道人杜宗道建元至元時洞陽真人煉藥其地改

洞真宮洪武二十四年置道錄司有皇慶元年翰林院倪堅撰

記

舊聞考一
百四十一

祐國寺在縣南十里鋪

至元八年建明正德二年重修

密雲
丁志

香嚴寺在縣東二十五里

元至正年建內有鴨腳子一株俗名白果寺

密雲
丁志

崇福寺在縣東栗園莊

元至正年建明嘉靖時重修又有塔山寺在北省莊地藏庵在
西石路駝莊均元至正三年建觀音庵在荆子谷天盆寺在賈
家莊龍泉寺在八里莊開元寺在太史莊亦至正年建密雲
丁志
慶峰觀在縣南

元人建明洪武十六年道人郭東峰重修邑人魏尙儒重修禮
部侍郎張文憲撰碑記密雲
丁志

霞峰觀在縣北四十里

白檀山北曰水谷表延峰嶺林木森秀有宗師霍道隆於元延
祐二年棲隱其間建道院一區据李志甯
霞峰觀記後魏志和修煉於此
嘗有霞覆其上密雲
丁志因名觀曰霞峰既而史志端李道純楊道

勉劉道本共成之据王道亨
霞峰觀記

順義

開元寺在縣東隅

又名龍興寺俗稱東大寺唐初建大曆五年試太子洗馬鄭宣

力撰碑金節使剛忠王公子明死節於此舊聞考一
百三十八

稀興寺在縣西南

俗稱西大寺明洪武八年建舊聞考一
百三十八

靈蹟院在牛關山後

俗評頭陀寺寺後即靈蹟山東頂時現佛光及塔影至唐天寶

三年鄉人因即其處建石塔三座後金牛蹄跡靈異尤多院名

靈蹟蓋以此也

國朝康熙五十八年把總郭永年修建順義
黃志

廣濟寺在縣北十里

寺本舊址明宣德中僧道明建正殿並左右廊廡鑿池植荷朱
闌四角圃中桃李梅杏牆外松柏槐柳濃蔭萬綠雲煙吞飲為
畿北勝境有明趙杲碑記順義黃志

白雲觀在呼奴山

元建有大德八年集賢學士宋勣碑雜識又有崇慶寺元至

順間建明萬厯間重修順義黃志

彌陀寺在城西北灘頭邨

明天順中邨人范福賢暨僧知暄因舊址創建大殿後僧清讓
淨安來寺住持復建左右廊廡繚以垣墉寺旁置地數十畝植
果百株神宮監趙琮復資助之為請於朝得賜額有明李温撰

碑記順義黃志

懷柔

祇園寺在南門外

寺本名三教堂久頽廢康熙四十九年

聖祖經臨發帑金修造

勅賜名曰祇園又賜

御筆泥金楷書心經寶塔一軸謹藏寺中寺僧給銀米歲有常額

每歲中元盂蘭會最盛會者常數萬人寺院冊

碩堂寺在縣東髻髻山

舊名賣泉寺懷柔吳志一作漢時名曇雲寺明正德己卯重修改今名有

刑部主事王源碑舊閱考一百三十九

資福寺在縣北紅螺山

原稱大明寺創建於唐環寺諸峯如龍如鳳嘉林蔚鬱微逕幽

邃白雲青欄雙絕塵世是宜有道者之隱於此焉山下有小潭

奇石森衛水色澄碧中有二螺色殷紅每夕能吐光燄絢輝林麓居人以為靈異遂名其山後紅螺死瘞之寺中今雙浮圖存焉金大定間世宗遣使請佛覺禪師於真定之洪濟以鎮茲山

據樊從義大明寺碑

至元仁宗時詔雲山禪師主大聖安寺內侍大司徒

王伯順以大明為聖安宗派請太皇太后發帑金五萬為修寺之資至正中雲山從聖安歸老於此復捐前後所賜金帛重修焉

懷柔吳志

寺規制雄古簷布鐵網殿前古槐二株

國朝康熙二年

聖駕臨幸設

御座於山亭亭下有竹甚茂

上命內侍記其數凡六百餘竿云今竹已芟夷幾盡矣一池曰紅螺池三面皆果園花時遊屐頗盛有元至正十六年樊從義大

明寺碑縣北景山有定慧寺明正統七年太監夏口建已廢萬

壽齊天二塔尚存有正統八年尙書胡濙撰碑齊聞考一百三十六

宏善寺在縣東邵渠莊

寺在鳳林山下本宏善寺故址明正統中常德公主捐資興建

規制宏麗屋宇幽遠勅賜寺額曰宏善寺久傾圯有正統九年

祭酒李時勉碑

國朝康熙中僧德雲獨力耕植不事募化銖積寸累悉儲爲修造

之資數年之間寺宇煥然悉遺舊觀焉懷柔吳志

雲巖寺在縣東栲栳山

山向有道院名栲栳磚創自金乾統中義琛禪師所居參訪受

法者前後三百餘人義琛入定坐化備著靈異有沙門圓拱塔

記道院年深毀壞明景泰間御馬監太監阮讓捐資重建鑿山

開基崇甍廣廈比舊增倍事聞敕賜爲雲巖寺賜經一藏并寺
前越府草場地與寺內永爲香火有二碑一尙書胡濙撰一沙
門德洽撰讓交趾人歷事四朝陞擢御馬監先後督軍征勦苗
寇屢次立功留鎮湖廣後卒樞還賜塋寺左其後寺田爲人侵
奪廟宇亦漸頽毀成化中太監潘瑛奏復前地寺獲更新有商
輅重修寺記碑明末復廢

涿州
國朝康熙中僧來寬漸次修整始復舊觀焉

慎柔
吳志

雲居寺在州治東北

寺創自唐時有浮圖高二十餘丈周圍三十餘步有修建碑記

涿州
吳志

智度寺在州治東

寺在雲居寺前亦創于唐前有浮圖高二十餘丈周圍三十餘步後復一臺高二丈廣百五十步中有佛殿有重修碑記涿州吳志
普壽寺在州東三里

一名清涼寺浮圖高七八丈又一臺高二丈餘周圍幾二百步又東南起一臺爲觀音閣可以登眺有萬厓中重修碑記舊聞攷一
百二十九

福聚寺在州北挾河邨

康熙四十四年建并

賜額一統志

房山

萬壽寺在縣西尚羅陀

俗評天台寺相傳寺有老僧日誦佛萬聲以豆記其數久之每

誦一聲豆輒自躍過人目爲豆兒佛是時陳皇后浴於宮中澡

豆忽躍心悸有言及豆兒佛者迺出金錢建寺焉

析津日記

香光寺在縣西韓姑砦

寺爲唐寶積禪師所建右卽寶積遺塔明永樂間賜姚廣孝爲

別業久而荒廢萬厯二十二年御馬監張其重修并賜藏經貯

焉舊聞攷一先是萬厯壬辰朔坤宮管事菩薩戒弟子于景科

女常夢遊上界寶寺題曰香光佛刹也適使子女傳旨于御馬

監張其徧燕山飯僧因囑所夢寺名當識之過五年至丁酉秋

又奉命適小西天上方寺等處飯僧一夕抵韓吉邨店宿行經

路北見破瓦頽垣古寺基也詢諸鄉民曰此少師園也夜見火

光或聞虎鳴豐草滿園毒蛇交橫鄉民畏憚任其荒蕪共異之

因披尋古蹟獲斷碑於荒草間始知大唐所造香光佛刹也遂

歸報因而重修之事亦異矣

房山
終志

上方寺在縣西南五十里

自孤山口西行約十二三里行篋游騎寄頓下接待院厯枯欄
二里許至山門榜曰兜率禪林又里許上石梯二百級欄旁皆
飛瀑宿痕挽鐵繩而上是爲上接待院倚壁皆僧舍又半里入
上方寺左有一斗泉帖石山房十笏以奉大士下有文殊洞上
普賢洞寺爲明萬厯初太監馮保修有碑殿後有四十二章經
置於壁筆法道整不知倩何人書也

國門近
游錄

寺有蘋果園園中

蘋果二株入秋結實甚繁山僧不忍摘果既熟暈青紅色絕

可愛法華經妙莊嚴王言如來唇赤好如蘋果果可謂善於喻

物者矣

上方
山志

天開寺在六聘山

寺創於漢自唐以來屢歷兵燹始復荒廢元至元十年僧普應

修建據天開寺碑記寺中有元碑三其一從仕郎翰林國史院典簿順

聖魏必復撰并書至元二十八年立末書石局副使李文秀鐫

其一香山永安寺住持沙門惠川口珪撰并書後至元三年四

月立其一石經山雲居寺住持沙門西源洪注撰并書至正十

二年立又有陀羅尼石幢字多磨泐無歲月可攷國門近遊錄曰天

開者以寺前山谷天然開朗也吉金貞石志

雲居寺在石經山

北齊南嶽慧思大師慮東土藏教有毀滅時發願刻石藏闕封

岩壑中座下靜琬法師承師付囑自隋大業迄唐貞觀大涅槃

經成其夜山吼生香樹三十餘本六月水浮大木千株至山下

構寺額以雲居名之唐明皇第八妹金仙公主修之洪武二十

六年又修之山上雷音洞高丈餘四壁刻經四柱刻像前石有
扉維以開閉几案瓶罇皆石臺有欄橫與堂亘堂左洞二右洞
三堂下洞二皆經唐迄元代有續刻經目列石幢人傳石洞火
龍所穿也山下左右東峪寺西峪寺後香樹林香樹生處也夢
堂庵唐夢堂師居處也林後琬公塔也萬厯壬辰達觀和尚觀
像設衰頽石版殘蝕率僧芟除啟洞拜石經石下有穴藏石函
一尺上刻大隋大業十二年歲次丙子四月丁卯朔八日甲戌
於此函內安置佛舍利三粒願住持永劫三十六字發昧得小
金瓶舍利狀黍米色紫紅師聞于慈聖太后迎入供養函瓶以
金外函覆之安置故處僧憨山撰雷音窟舍利記刻之石山有
隋碑二一仁壽元年王臣暕碑一仁壽元年王邵碑唐碑五一
開元十年梁高望碑一開元十五年王大悅碑一元和四年劉

濟碑一景雲二年甯思道碑一太極元年王利貞碑遼碑二一
趙尊仁碑一天慶八年沙門志才碑元碑二一至正元年賈志
道碑一至正二年釋法真碑山半有庵曰半山庵帝京景物略
永壽寺在縣西南十里

寺創于明僧真英繼之者僧性澗訖事者僧寂經有曹葉碑記

房山王志

金山寺在縣西南二十里

舊名蘆子水院上有香水池冬溫夏涼每當夏日茵苔墜紅松
篁蔭綠清氣芬馥時時道人建于金皇統間有重建碑記房山志

木巖寺在縣西南十八里

寺不知建于何時按郝勳碑云法師了空開山于梁天監二年
當梁武天監之初正北魏景明之際涿州時為魏屬何必遠附

江東由此推之非實錄矣遼天慶元年僧定慧修明洪武初僧

洪林修嘉靖十年僧真祥修有郝勳撰碑記房山佟志

興隆寺在縣北十六里

本名白水寺俗名大佛寺明成化元年重修有僧道深撰碑

碑一百三十二

霸州

普濟寺在州東門外

元至正二年建今尙存遺址霸州朱志

文安

琴高祠在縣東北石溝河

不知創於何時乾隆三十八年重修舊聞考一百二十二

靈集寺在莊頭邨

寺有浴佛庵藏經閣僧文瀄撰記後有古檜二株傳為漢物

文安志

清甯寺在安里屯

寺有霸州韓貫撰碑

文安志

大城

興甯寺在縣東南白楊邨

寺為唐貞觀年建明成化中重修

舊聞考一百二十二

石佛寺在縣邵邨

寺創建未詳明正德辛未年重修

大城張志

海日寺在縣南李坦鎮

明成化二十年建

大城張志

保定

天甯寺在城東門外

寺規模廣廓殿宇森嚴創始不知何時元季毀於兵燹明宣德

元年洞明禪師修復舊觀有弘治元年僧隱庵撰碑記前有鐘

樓古鐘聲振十餘里今樓久廢而鐘尙存保定成志明僧隱

保定縣城東北隅有吉壇其地建精藍榜曰天甯

實圻內之鉅刹也經始未遑究其年代元季寺毀迨宣德改元

洞明禪師蒞之觀茲廢跡遂奮志興復先於西山伐杞梓榷

補塞川而下致陶甃堆耶積岳於是漸次繕構邑民施捨者

旁午絡繹其制先建殿庭至若丈室神祠祖堂欲垣屹立回廊

四合厥志未就付屬弟子遠悟遠悟能不負所屬以興修為已

任前建天王殿并禪堂齋廡山門凡叢林所宜有者以次修

畢遂能化瓦礫為祇園幻劑棘為金刹騎馱盛哉余嘗謂格理

盡性為人道之本僧園法物乃宏道之資欲樹其木必賴其資
今茲營建使樹其本者有所資宏其道者有所託其於佛門可
謝大有功矣遠悟不遠千里謝余為文茂揚成績詞不逮意直
言其梗概勒諸貞珉庸示悠久云弘治元年歲在戊申四月立

薊州

獨樂寺在州治西南

寺不知何時創建遼時沙門圓新居之據感化寺塔波記統和二年僧

談真重修有統和四年翰林院學士承旨劉成撰碑盤山志中有

傑閣設大士像相傳盤山舍利塔神燈自塔而下先獨樂而後

及諸佛刹云薊州沈志

國朝乾隆十八年

賜帑重修舊聞考一百十四

廣福寺在州治北

寺傳為唐時建明正統戊午僧真澤修有少保胡濙撰碑萬厯

中僧雲光邑人蔣菊再修有祭酒成憲撰碑後全圮舊聞考一百十四

四

國朝乾隆五十七年知州劉念拔重修薊州沈志

白塔寺在州治西

寺久廢有白塔故名乾隆六十年直隸總督梁肯堂奉

敕重修州志

香林寺在州北二里

寺相傳以為初自漢修自唐據馮有經明正統萬厯間一再修

之有翰林院侍講馮有經碑

國朝康熙年間重修寺在薊城北翁同鵢泉流峙左右薊亭之勝

槩也舊聞考一又有靜安寺在城外西北三里今久廢寺院

感化寺在盤山

魏太和十九年無終田氏營建據乾統七年唐貞元中重建州

沈志太和咸通間道宗常實二師繼踵住持幽州主帥清河張公

奏請于朝賜名寶積寺後易名感化舊有遺乾統七年僧南抃

撰碑盤山志南抃上方感化寺碑記略滎陽古郡之西北兼

十九年無終縣民田氏菽焉營辦唐太和成通間道宗常實二
師前季後昆繼踵而至故碑遺像文迹俱存法堂佛宇敞乎下
霖寶經龕出乎上莖有良田百餘頃園有甘栗萬餘株
縹屬三百無城郭乞食之勞斯為計久之業矣 金圓新和

尙宰堵波記大定中沙門法詮撰大安七年感化寺故監寺澄

方遣行碑元感化寺提點賢公長供記至正八年僧福珪撰今

俱無考舊聞考一百十五明天順八年僧德聚重修成化十一年勅改

寺曰廣濟盤山志寺東一頻婆果樹大可合抱居人云此樹歲可

得錢二十千江南橋柚五十樹不能也三易齋稿

國朝乾隆十年重建於舊基之西一里許以舊寺在

靜寄山莊地內也

勅復舊名曰感化寺沈翦

天香妙祥寺在盤山

舊名妙祥禪院唐建元延祐元年重修得有元石碣今無考乾

隆九年重建於舊基之西北二里許寺內有金石幢刻賜紫沙
門圓明聰慧大師塔記貞元二年建寺院又有降香石龍亭石

蕪州
沈志

天成寺在盤山

一名福善寺寺門有樓下瞰山麓如深巷屈曲砌泉苔石厯厯
可數遠眺林巒攢簇天成圖畫或曰盤山圖經稱四正山四山
迴合天然城郭故舊有天成之名舊聞考一寺西南有普化和

尙塔基普化唐時人寺疑唐建康熙中僧雲聯重修有古佛舍
利塔翠屏峰飛帛澗涓涓泉徹公塔山前有下天成原屬寺中
菓園有斷碑載大遼天成福善寺贈舊業栗園之碑又有斷石
幢載叡孝天祐皇帝云云

國朝乾隆八年重修爲

行在外八景之一

蕪州沈志

少林寺在盤山

傳是晉魏間所建舊名法興寺有沙門圓玉碑記又法興寺提

點榮公塔銘沙門圓瑩撰盤山志至元中棲霞長春真人應召來

燕門下有棲雲子飛舄擇地其徒張志格等搜及此山遂營卜

築丙戌春請長春真人建醮因題其額曰棲雲觀雲山集其徒拆

毀殿宇屏棄佛像寺內古佛舍利塔高二百尺及正殿三門一

并拆毀至乙卯後上方長老雲公忿其無禮奏告皇帝又共那

摩太師少林靈庭福裕禪師朝覲具陳其事至元新錄仍為僧院

賜額北少林寺明成化己丑寶峰德聚禪師重修嘉靖丁亥又

修

國朝康熙中僧本住再修乾隆十年又修寺西有華巖洞大松棚

東有紅龍池多寶佛塔下有石曰菱角曰帳房曰蟒再下有石

曰晾甲皆奇秀

蘇州沈志

慧因寺在盤山

古中盤寺在紫蓋蓮花毘盧三峰之間相傳寶積住靜處

定盤欽

山志

國朝康熙十七年改正法禪院後康熙中大博禪師重為開拓乾

隆十四年奉

勅重修四十年

勅改今名寺內有天語軒五松堂殿旁揮塵花宮塔院精壽堂門

前有談禪石崖後有靜室名別是一天

蘇州沈志

寺外四山相接疊

翠層巒中有數峰陡絕者勢插霄漢又其地多金沙雨過則星

燦奪目更有舍利塔每除夕光明徧山如列炬其中流泉瀑布

儼若大江之怒濤焉巨觀也據蔡士英碑記

盤谷寺在盤山

寺即青溝禪院初本虎穴康熙十年僧智朴來盤山有僧隆寶來獻茲地乃始墾闢十七年

聖祖仁皇帝勅賜盤谷寺額屢次臨幸遂成名刹所謂人傑地靈者歟乾隆十年重修寺前有清涼石漱玉泉秩泉松均後有杏

花陂龍首巖中有秋月堂巢雲軒選佛堂蘇州沈志

萬松寺在盤山

寺之西即李靖舞劍臺舊名李靖庵不知建於何時明萬厯四
年普照禪師卓錫於此念四字佛皈依者眾明神宗御書清心
二字徑尺許賜之今存寺中崇禎中普照法孫勝雲重修

國朝康熙中商邱宋準以前賢不宜直呼其名改為衛公庵四十

三年

勅賜今名寺左有仙人橋右有臺陀石

薊州沈志

雙峰寺在盤山

舊名重巒禪院相傳為唐貞觀中尉遲敬德監造明萬厯三十年慈聖皇太后出內帑重修

國朝乾隆十九年重修

薊州沈志

青峰寺在盤山

舊名青峰庵明正德中僧德杲重修萬厯中僧常淨葺之

國朝康熙十年僧隆寶再葺

聖祖仁皇帝勅賜今名乾隆十九年重修

薊州沈志

法藏寺在盤山

舊名茶子庵明成化中修建

國朝康熙中僧養心又修殿左有古松盤山第一住僧實乎擬建東廂此松微有礙欲伐之夜夢一碩士風流儒雅揖而告曰吾住此山久矣師奈何促吾行僧覺其異遂不敢伐前有法船石

薊州沈志

雲罩寺在盤山

舊名降龍庵唐寶積禪師卓錫地寺爲盤山至高處雲生淪然出巖岫間觸石潤礎瀾漫林谷從下觀之不知寺之爲雲雲之爲寺故名曰雲罩寺

據沈荃雲罩寺碑

東嶺有舍利塔中藏戒珠十六

顆佛牙一具遼太康中釋惠源明成化中釋本源嘉靖中釋圓

成萬厯中釋真開以次營葺並有碑記

盤山志

後慈聖皇太后命

尙膳監太監呂誠來修之有王道正撰碑記

國朝康熙中僧通緒重修乾隆八年奉

勅重修有刑部尙書張照撰記寺中塔舍利有光名曰佛燈舊聞

百十六 僧智朴佛燈記異按字內名勝往往有佛燈如五臺

九華峨眉普陀匡廬南嶽百花山人常言之即盤山之燈人亦

常見之丙辰春二月張翰居民洪應廣及二客僧夜話見燈現

於山西南樹杪壯如蓮花大如車輪皎色披敷下練光數丈搖

曳而西己未八月夜將半朴出戶雨敗簾見燈大如屋起淵中

紅光燄燄照衣裾作精色召諸禪侶共瞻望壬戌二月燈二現

于屋角東南大小各一去人僅丈許若可攀攬久之而沒乙丑

六月二十五日晚課畢見燈現於正南方初如斗忽大如山如

理如雲倏起倏墮遍山南面作雨後霞色其光中隱隱有大悲

菩薩千手相光外重光東射莫可名狀禪者瞻未會有戊辰四

月夜厲風作王子于比部見紅光團團如車輪橫空而過要之

佛燈之異不止除夜時時有之即厲風暴雨隆寒溽暑之夕亦

常有之但人酣眠舊有黃龍祖師殿在山絕頂殿六角以象天

長夜苦不自覺耳

圓地方每方各潤一丈通高二丈九尺層檐複拱皆以甄爲之

建于正統十四年成化間鑄鐘一重二千斤覆以樓今殿久圯

鐘及樓俱無存北又有金山寺唐光啟二年七月建有石碣存

稱荊州大夫張公修造此寺又有國子監祭酒張峒題詩勒石

盤山志

上方寺在盤山

寺唐大和二年道宗大師結茅於此有遺行碑尙存

國朝乾隆十七年重修薊州沈志

東竺庵在盤山松樹峪

舊名彌陀庵乾隆十年奉

勅重修二十七年又修薊州沈志

雲淨寺在盤山

舊名淨業庵明萬厯中蔡來峰建崇禎中無暗律師重修盤山志

國朝康熙四十三年

勅賜今名乾隆十五年重修舊聞考一百十八寺內有石幢刊本師惠凝

和尚大安八年九月朔門人棲洞等建疑庵亦遠金故址也薊州

沈志

千相寺在盤山

原名佑唐寺建自唐開元間

高宗御製千相寺詩

相傳有尊者挈杖

遠至求植足之所僧室東北隅巖下有澄泉恍惚之間見千僧

洗鉢瞬息而泯因茲構精舍

掘道李仲宣前唐寺講堂碑

迨乾亨二年寺僧

希悟修之於溪谷澗石上刻千佛像有統和五年李仲宣撰碑

盤山志

明正統間僧行明重修明善醫眼疾凡目翳瞳盲之人聞

風而至咸獲瘳後裔因習其術人謂盤山眼藥寺

國朝乾隆十年奉

勅重修後有搖動石又有洞曰契真慈山遇隱士處也

蘇州沈志

瑞雲庵在盤山

庵不知何時建金大安中重修

國朝乾隆十年移建西有歸雲洞舊聞考一百十六

報恩寺在千相寺東

寺不知創自何時明正統四年修治萬厯八年再修四十五年

尼宏存再修有米萬鍾撰碑盤山志

白巖寺在盤山東盡處

寺建自唐貞觀中至遼時天顯十一年復建金大定中重修有

元僧恒志碑記又有慶壽提點裕公塔銘盤山志明天順中香林

蘊空禪師退隱於此號曰白岩叟寺北有九華峰林壑佳麗岡

巒秀挺薊州沈志

報國寺在盤山

元至元中圖悟禪師重修大德中又修後幾廢

國朝乾隆二十七年重修前有黑龍潭又前一里許有燕子石薊州

沈志

香水寺在盤山西南二十里

唐建有金正隆六年頭陀大師靈塔實行碑康熙中僧德心重

修後有香泉故名

舊聞考一
百十六

普濟寺在甘泉山

一名甘泉寺相傳昔為毒龍湫唐太和中曉方禪師結茅於

此龍讓之徙山後迄今三潭為龍居也

欽定
盤山志

遼金及元屢

次修葺明初燬於火舊有唐郎肅靈塔記金釋圓照通和尚塔

記俱不存

舊聞考一
百十七

國朝康熙中僧明德重修有禮部侍郎沈荃撰碑

盤山志

桃花寺在

行宮旁

乾隆九年奉

勅重修

商州沈志

隆福寺在

行宮旁

唐初智嘉禪師持妙法蓮花經選勝至此穴巖以居夜半聞鐘
 聲心異之尋至山腹見廢寺故址也壁間有龍福院額遂結茅
 其地持誦弗輟階前伏蠶日聞經聲忽得解脫中夜化為女子
 禮師稱謝且言使左右五里永絕蠶毒以報其德己果有驗由
 是遠近信嚮寶施雲集此建寺所由也閱遼至金天慶正隆屢
 加修葺據呂卿雲碑記有金泰和三年呂卿雲重修碑記

國朝乾隆九年奉

勅重修有刑部尙書汪由敦撰記

舊聞考一百十七

香華庵在白湖

行宮旁

舊刹乾隆十五年奉

勅重修

舊聞考一百十四

平谷

臨泉寺在縣南東高邨

俗稱高邨寺遼建明嘉靖二十七年重修

平谷朱志

淨甯寺在縣南鹿角莊

俗稱鹿角寺金大定二十年建

平谷朱志

淨嚴寺在縣北大新寨

遼天慶十年建明正德元年重修

平谷朱志

石佛寺在縣北東胡家務

元至正二年建

平谷朱志

慈福寺在縣東北山東店

俗稱山東寺正統九年御馬監太監劉口建基臺崇拓棟宇恢

宏丹碧文珉各呈工巧勅賜名曰慈福有邑人金純撰碑正德

四年營州屯衛官舍景祺邑人楊友重修

平谷朱志

覺雄寺在縣治西

遼重熙十六年建嘉靖八年重修

平谷朱志

香嵐寺在漁子山砦

俗稱波谷寺金明昌三年建嘉靖二十四年重修

平谷朱志

興善寺在縣東峨嵋營

唐咸通三年建明正統八年重修寺東北一里許靈泉出焉流

經寺中俗稱水峪寺

舊聞考一百四十二

白雲寺在縣北黑豆峪寨

金皇統四年建明宏治十二年重修俗稱繼廣寺

舊聞考一百四十二

龍泉寺在縣東盤龍山

寺在山下盤龍爲東畿大山蜿蜒以西又十里爲暗峪峰巒峭
刻氣勢連霄峪間夾兩崖有泉如練自東北折每春夏雲英英
騰上頃刻覆山谷其色正白若大海茫無際涯人因目曰龍泉
泉之北巉崖壁立空翠撲人左右諸峰皆相顧拱揖黃精赤茯苓
雜植其間境異山幽雖當烈火流金使人脩脩有扶藜意元至
正四年僧人順公結庵于此處庵以泉名以誌山川之勝據金
碑記明成化六年營州中屯衛千戶景楨僧可懿修之正德五
年重修嘉靖二十七年僧大雲再修有金純撰碑又北厯店龍
泉寺亦元至正四年建嘉靖二十七年重修井兒峪龍泉寺元

至正十年建嘉靖二十年重修 平谷朱志

延祥觀在縣東北獨樂河莊

初名元寶觀至元間邱長春過此觀有枯柏捫之復榮有南塘

老人張天度爲作詩玉谿老人趙鑄爲作記 盤陰雜記 趙鑄元寶觀柏記 歲丁

亥京東諸紳謂長春真人熊于田盤山之栖雲觀過平谷飯于城東獨樂邨元寶觀中有柏枯瘁已久師歎曰可惜起而摩之明年春其杪葉復生鬱茂如故見者奇之予一日托宿于州之通元觀道人李志平示予南塘老人魯長春子活死柏之詩所謂非異人不能成異事非異書不能表異蹟也志不欲傳其傳乃書其事于石

華陽吳祖椿校